

**Namminersorlutik Oqartussat
2024-mi kukkunersiuinermi
nalunaarut (Kukkunersiuisut
oqaaseqaataat)**

Imarisaa

1.	Ukiumoortumik naatsorsuutit	1481
2.	Kukkunersiuinermik ingerlanneqartumik inerniliineq	1482
3.	Aningaasaqarnermik kukkunersiuineq	1488
4.	Inatsisit atuutsinneqarnerannik kukkunersiuineq	1499
5.	Ingerlatsinermik kukkunersiuineq	1506
6.	Ingerlatsinermik kukkunersiuinerit anginerusut	1510
7.	Immikkoortunit allanit kukkunersiuisutut suliat allat pillugit paasissutissat	1511
8.	Paasissutissat allat	1514
9.	Atsiornerit	1515

1. Ukiumoortumik naatsorsuutit

Namminersorlutik Oqartussat 2024-mi ukiumoortumik naatsorsuutaat Naalakkersuisunit saqqummiunneqarput.

Deloitte, avataanit kukkunersiuisutut toqqakkatut ukiumoortumik naatsorsuutitut inatsisit, malittarisassat ileqqussallu atuuttut naapertorlugit kukkunersiuinermik ingerlatsivoq.

Ukiumoortumik naatsorsuutit ilanngussanik (naatsorsuutit nassuiarneqarnerannik) imallit – uagut kukkunersiukkatsinnik – kisitsisinik pingaarnernik imaattunik saqqummiussipput:

	2024 mio.kr.	2023 mio.kr.
Ingerlatsinermi angusat	-150	-698
Ingerlatsineq- sanaartorneq & taarsigassarsiat angusat (DAU-mi angusat)	250	-431
Aningaasarsiuutit taarsigassarsisitsisarnermi iluarsisani angusat (DA-angusat)	257	-421
Pigisat	10.522	10.518
Nammineq aningaasaatit/oqimaatigiissitsisarni konto	-8.273	-8.123

“minus” isumaqarpoq oqimaatigiissitsisarni sinneqartoortit ajunngitsumillu angusaqarneq

Kukkunersiuiunerup siunertaa, annertussusia aamma ingerlanneqarnera, kukkunersiuisup nalunaarutiginninnera kiisalu akisussaaffiit agguataarneqarnerat il.il. Deloitte najoqqutassiaani ”Nalinginnaasumik atugassarititaasut aamma piumasaqaatit” allassimapput.

2. Kukkunersiuinermik ingerlanneqartumik inerniliineq

2.1. Kukkunersiuisut uppernarsaanerat

Kukkunersiuisut uppernarsaanerat tamakkiisoq ukiumoortumik naatsorsuutini quppernemi 7-9-mi takuneqarsinnaavoq.

Kukkunersiuineq ingerlanneqartoq tunuliaqutaralugu ukiumoortumik naatsorsuutit nangaassuteqarata, erseqqissaateqarata imaluunniit isorinninnernik oqaaseqaateqarata uppernarsaaserpavut – missingersuutini kisitsisit naatsorsuutini atuarneqarsinnaasut kukkunersiorneqannginnerannik pinngitsuugassaannngitsumik erseqqissaateqarnitta saniatigut.

Tamanna isumaqarpoq, Nunatta Karsiata naatsorsuutai ataatsimut katillutik eqqortumik takussutissiisut Nunatta Karsianik naatsorsuusiortarnermi periusissat naapertorlugit – aamma naatsorsuutini atuartussap naatsorsuutini naliliinissaanut pingaarutilittut isigineqartut aallaavigalugit killiussap aalajangersimasup iluani suliarineqarput.

Uagut suli isumaqarpugut, nakkutilliinermik ingerlatsinerit, taakkununga ilanngullugit uppernarsaanerit – aamma nakkutilliinermik ingerlatsinernit malitseqartitsinerit, aaqqissuussaanertut Namminersorlutik Oqartussatut angissuseqartumut aamma katitigaasumut tamatigut naatsorsuutigineqarsinnaasariaqaraluartut naapertorlugit, suli ingerlatsisoqalinngitsoq.

Immikkoortumi tulluuttuni takuneqarsinnaasutut, ukiut siuliinisulli suliassaqarfinni arlalinni allaffissornikkut annertunerusumik suli sukaterisoqarsinnaavoq. Tamatuma malitsigisaanik Namminersorlutik Oqartussanut aarlerinaatit annertunerulerput, aamma kukkunersiuineq nukinnik pisariaqartitsiffiuneruvoq, allaffissornerup pitsaasumik aaqqissuunneqarsimaneranut naleqqiullugu.

2.2. Ukiumi naatsorsuuseriffiusumi kukkunersiuisut oqaaseqaataat

2024-mut kukkunersiuinermi oqaaseqaateqarfigisassanik nutaanik nassaanngilagut.

2.3. Kukkunersiuisut siusinnerusukkut oqaaseqaataannik malittarinninneq

Kukkunersiuisut siusinnerusukkut oqaaseqaataannik malittarinnippugut aamma uagut Kukkunersiuisutut oqaaseqaatitsinnut ullormi apriliip 25-ani 2024-meersumut Naalakkersuisut oqaasertaliussaas misissorpavut, soorluttaaq 2023-imi Nunatta Karsiata naatsorsuutaasa Inatsisartunit akuerineqarnissaanut Kukkunersiuinermut Ataatsimiititaliap isumaliutissiissutaa misissoripput.

Nr.	Kukkunersiuinermut oqaaseqaat	Pineqartoq	Killiffik
2013-04	Nammineq nakkutilliinermut atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaanissaq	2.3.1	Åmmavog
2020-01	Pisortatut aaqqissuussanut allanut pissaqaqatigiissutit naligissaarneqarnerat	2.3.2	Ammavog
2021-02	It- atuisunik aqutsineq	2.3.3	Ammavog
2021-03	Pisiniartarfinnut akiitsut aamma aningaaserivinni uninngasuutit naligiissarneqarnerat	2.3.4	Ilaatigut ammavog
2022-01	ESU-mi BSU-milu taarsigassarsianik aqutsineq	2.3.5	Ammavog

Immikkoortut nalunaarsukkamit peerneqartarput aaqqiiffigineqartutut nalilernerqarnermik kingorna ukioq qaangiukkaangat.

2.3.1. Nammineq nakkutilliinermut atatillugu akissarsiat tamakkiisut allattorsimaffiinik suliaqartarnerup pingaarutaanik erseqqissaaneq (2013-4)

2013-imi kukkunersiuinermik nalunaarusiami qupperneq 955-imi ima allappugut:

”Tassunga atatillugu immikkoortunut avataaniittunut pulaarnitsinni akissarsiat tamakkiisut allattorsimaffiannik nakkutilliineq pissusissamisut ingerlanersoq misissuiffigaarput. Taamaaliorneq nakkutilliineruvoq pingaarutalik, akissarsianik kukkusunik tunniussisoqartannginnissaa qulakkeerniarlugu. Akissarsiat tamakkiisut allattorsimaffiannik misissuisarneq assigiinngisitaartumik peqqissaarunneqartarpoq inassutigissavarpullu nakkutilliinerup pingaaruteqarnerata immikkoortunit ataasiakkaanit malinneqarnissaata sukateriffigineqartariaqarnera.”

Ukioq manna kukkunersiuinitsinni paasivarput pissutsit pitsanngoriaateqarsimasut. Aaqqissuussamik nutaamik atugaqartoqalerpoq nassiussuineri aamma nakkutilliineri akissarsiat ilanngaaseereerluni nalunaarsorneqarnerisa nassiunnerat akuersissuteqartalerput.

Suliassaqarfinni ataasiakkaani aaqqissuussaq naatsorsuutigisaasutut pitsaassuseqarluni suli atuutilinngilaq, taamaattumik ukiut siuliini kukkunersiuisutut oqaaseqaaterput suli attapparput.

Akissarsiat tamakkiisut allattorsimaffiinik nakkutilliineq 2025-mi malittarissavarput.

Taamaattumik ukiut siuliini kukkunersiuisutut oqaaseqaaterput suli attarparput.

2.3.2. Pisortat suliffeqarfiutaannik allanik pissaqaqatigiissutit naligiissaarneqarnerat (2020-01)

Naatsorsuutit eqqortumik takutitsinissaannut pingaaruteqarpoq isertitat aningaasartuutillu piffissamut eqqortumut naatsorsuutitut ilanngutsinneqarnerat. Tassannga qularnaarinninnermi pingaaruteqartoq tassaavoq pissat aamma akiitsut illuatungerisat nalunaarsugaannut naligiissaarneqarnerat – ingerlaavartumik aamma ukiumik naammassinninnermut atasumik.

Namminersorlutik Oqartussat kommunillu, suliffeqarfiit nammineertitat aamma ingerlatsiviit tamakkiisumik imminnut pigisut arlallit akorniminni pissaqaqatigiissuteqarput.

Taamaattumik Namminersorlutik Oqartussat aamma pingaarnertut atuuffeqarpoq, pisortat suliassaqaqarfiutaasa aamma ingerlatsiviit tamakkiisumik imminnut pigisut akornanni ataqatigiis-soqarneranik tassannga qularnaarinninnissamut.

Kontumut pilersaarut nutaakkut anguniagaavoq, pisortat suliassaqaqarfiat akimorlugu aningaasaqarnermik naatsorsuutitut tunngavissaq pitsaannerusaq pilersinneqassasoq.

Taamaattumik aalajangiisuulluinnarpoq, immikkoortortat akimorlugit isertitat aningaasartuutillu naatsorsuutitut ilanngunneqarneranni assigiissoqarnera – aamma kontunut inissitsiterineq nalunaarusiornerillu aqutugalugit "suliffeqarfiup iluani" aningaasartuutit aamma isertitat naligiissaarneqarnissaannut tunngavissamik pilersitsineq, Namminersorlutik Oqartussat, kommunit, suliffeqarfiit nammineertitat aamma ingerlatsiviit Namminersorlutik Oqartussanit pigineqartut akimorlugit pissat akiitsullu naligiissaarneqarsinnaanerit.

2024-mi naatsorsuutini assigiissoqarnerata qulakkeerniarnera annertuumik suliniarfigineqarpoq, tassunga ilanngullugit ulloq 31.12. pissaqaqatigiissutit naleqqatigiissinnerat.

Suliamulli apeqqutaapput illuatungerisat pingaarnersiuinerat tassunga nukissat atorineqarsinnaasut assingusut eqqarsaatigalugit. Ulloq 31.12. suli pissanik akilernerqarsimanngitsunik peqarpoq, tassunga ilanngullugu Kommune Kujallermut pissaqaqatigiissutitut tunngasut.

Taamaattumik 2024-mut kukkunersiuinermit atasumik taakkununga tunngasut malittarissavagut, aamma taamaattumik kukkunersiuisutut oqaaseqaat ammatipparput.

2.3.3. IT-mik suliassaqaqarfiimi atuisunik aqutsineq (2021-02)

Namminersorlutik Oqartussat kukkunersiorneqarnerannut atasumik it-mik nakkutilliissutit nalinginnaasut toqqakkat ilusilersorneqarnerat aamma atuutsinneqarnerat naliliiffigaavut, taakkua ukiumoortumik nalunaarummik saqqummiussinnermut naapertuuttutut nalilikkavut, kukkunernik pingaarutilinnik ima eqqortumilli aamma inatsisitigut piumasaqaataasut naapertorlugit eqqortumilli saqqummiussinissamut naammassinnittut. Nakkutilliissutit nakkutilliinnermik ingerlatsinerisa pitsaassusiat misileranngilarput.

Suliunnaartoqarnera imaluunniit piffissami aalajangersimasumi isertoqarsimatinnagu PRISME-mi aamma RIS-imi atuisunik atorunnaarsitsinissap qulakkeernissaanut periaaseqartoqarnera paasivarput.

IT-mik nakkutilliissutit nalinginnaasut toqqakkat kukkunersiorneqarnerat tunuliaqutaralugu, taakkua Naalakkersuisuni it-mik nakkutilliissutit naapertuuttutut tamakkiisumik inerisimassuseqartussatut uagut naliliinerput tunngavigalugu pitsaassuseqarsorisatsinnit, suliassaqaqarfiit pingaarutillit tulluuttut pitsanngorsaaffigineqartariaqartut suussusersivagut:

- Innersuussutigaarput Naalakkersuisut atuisunik allaffissornermik periusissiamik pisortatigoortumik suliaqaqqullugit, aaqqissuussanut aamma suliamik ingerlatsiffinnut tamanut atuuttumik. Periusissaq tulluuttunik imaqtartariaqarpoq:
 - Atuisunik pilersitsinermi aamma pisinnaatitsissutinik tunniussinermi periusissiaq.
 - Piffissakkuutaartumik (minnerpaamik ukiumoortumik) isissutit aamma pisinnaatitsissutit naliliiffigineqaqqinnerat, ilanngullugit atuuffinnik immikkoortitsisinnaanarit toqqissisimanartut pilersinneqarsimanerat.
 - Atuisut atorfimminnit soraarneranni piffissaatillugu atorunnaarsinneqartarnerat.

Tassunga ilassutitut innersuussutigaarput periutsip Namminersorlutik Oqartussani tamani pigiliunneqarnera Naalakkersuisunit qulakkeerneqaqqullugu, taamaalilluni qulakkeerneqaqqullugu taanna tamatigut malinneqassasoq aamma atuisunik atorunnaarsitsinerit piffissakkuutaartumillu pisinnaatitsissutinik nalileeqqittarneq kiisalu atuuffinnik immikkoortitsisinnaaneq pisortatigoortumik uppernarsarneqartaqqullugit.

Taamaattumik kukkunersuiusutut oqaaseqaaterput sulii ammatipparput.

2.3.4. Pisiortorfinnut akiligassanik aningaaserivimmiittuutinillu naligiissaarineq (2021-02)

Avataani pisiniartarfiit akornanni akiligassat naligiissaarneqarnerat nakkutillineruvoq pingaaruteqarluinnartoq, nioqqutissanik kiffartuussinerinillu pisiniarnermi eqqortumik piffissalersuinermik qulakkeerinnissutitut. Tamanna aamma pingaaruteqaqaaq missingersuutit ingerlaavartumik malitseqartinneranni taamatullu ukiumoortumik naatsorsuutinik eqqortunik takutitsinissamut.

Ukiup ingerlanerani immikkoortumi suleriaaseq pitsanngorsaavigineqarpoq, ukiulli ingerlanerani kukkunersuiuinitta soorluttaaq ukiup naanerani sulianik ingerlatsinerup ersersippaat, naligiissaarinerinik kissaatigineqartunik sulii ingerlatsinerunissaq pisariaqartoq kiisalu naligiissaarinerinik ingerlatsinerinik inissitsikkat ammasut sulii amerlavallaartut, taamaattumik akiligassaqaqfigisat illugiillutik pissaqaqatigiinnerat pillugit naligiissaarinerinik ingerlatsinerunissaq pisariaqarpoq.

Innersuussutigissavarput akiligassaqaqfigisat aamma aningaaserivimmi uninngasut naligiissaarneqarnerannik suliaq – aamma immaqa pissaqaqatigiissutinik ammasuusinnaasunik qulaajaaneq – siunissami sulii ilungersuunneqarneroqqullugit, taamaaliornikkut pisiniartarfinnut pingaarnernut qulinut qaammatikkuutaartumik naligiissaarinerinik ingerlatsisoqartarluni aamma naligiissaarinerit nakkutilliiffigineqarnerannik ingerlatsisoqartaqqullugu.

2.3.5. ESU aamma BSU taarsigassarsisitsinerinik aqutsineq (2022-01)

Namminersorlutik Oqartussat taarsigassarsisitaqarpoq (ESU; BSU) 1,9 mia. kr.-it missaannut, ullumikkut taarsigassarsisitsinerinik aaqqissuussaq iluaqutsiullugu allaffissornermik ingerlatsiffigineqartunik.

Aalajangiisoqarpoq maannamut taarsigassarsisitsinerinik aaqqissuussaq taarsigassarsisitsinerinik aaqqissuussamik nutaamik taarserneqassasoq. Tassunga tunuliaqutaavoq maannamut

taarsigassarsisitsinerimi aaqqissuussap atukkap teknologiimik pisoqalisumik tunngaveqarnera, ilaatigullu aaqqissuussaq taarsigassarsisitsinerimi allaffissornermik atuuffinnik arlalinnik amigaateqarnera.

Taarsigassarsisitsinerimi aaqqissuussamik nutaamik pissarsinissamut piareersaanermut atasumik paasineqarpoq, maannamut/manna tikillugu Namminersorlutik Oqartussat taarsigassarsisitsinerimik ingerlatseriaasiani arlalinnik unammilligassaqartoq.

Unammilligassat pingaarnertut taarsigassarsianut tunngassuteqarput, taakkua manna tikillugu ernialersugaanngillat aamma akilersugaanngillat, aamma taamaattumik Namminersorlutik Oqartussat naatsorsuutaanni 0 kr.-imik naleqartinneqarput – tassunga ilanngullugu taakkunannga pingaarnertut taarsigassarsiat erniataqanngitsut aamma akilersugassaanngitsut inuinnarnut attuumassuteqartut (inissialiornermut taarsigassarsisitsineq).

Unammilligassat tassaapput ajornartorsiutit assigiinngitsut arlallit, taakkununga ilaapput:

- ESU-mik suliassaqarfimmi akiligassanut akileeqqusissutit malitseqartinneqarneranni amigaatit. Kukkunersiunerimut atasumik pissutsit arlallit paasisavut imaapput, akiliutissamik akileeqqusissutininik piumasaqartoqarsimanngitsut imaluunniit pissat ernialersorneqarsimanngitsut.
- Taarsigassarsiat malitseqartinneqarnerat aamma nalit aaqqinneqarnerat amigaataasut, tassa taarsigassarsiat erniartaqanngitsut aamma akilersugassaanngitsut taarsigassarsianut ernialersukkanut allanngortussat, tamatuma nassataraa taarsigassarsiat taakkua nalingisa naatsorsorneqarnerat. Nalunaarsukkanik ilivitsunik ullormik atorunnaarfissamik imalinnik pissarsisoqarsinnaasimanngilaq, taamaattumik uagut misilerarsinnaasimanngilarput taarsigassarsianik ukiunit 30-nit pisoqaanerusunik uninngasoqarneris, aamma taamaattumik ernialersorneqartariaqartunik. Taassuminnga atulersitsineq immineq taarsigassarsiat aamma nammineq aningaasaatit nalingannut sunniuteqassagaluarpog.
- Taarsigassarsisitsinerimi aaqqissuussamik B-nr. imaluunniit CPR/CVR amigaataasut, tamatuma kinguneranik akiitsulik kinaanersog aamma illu taanna qularnaveeqqutaasussaq sorliunersog paasinissaat ajornakusoorpog.
- Taarsigassarsiat aggulunnerat amigaataasut piginneqatigiilluni inissiaatillit peqatigiiffiannit inissiamik nammineq piginnittutut allanngortitsinerimi, tamatuma kinguneranik taarsigassarsiat taarsigassarsisitsinerimi aaqqissuussamik taarsigassarsiaaqqaartutut allassimapput
- Innuttaasut ataasiakkaat taarsigassarsianik siusinaartumik tamakkerlugu akiliuteqarnissamik kissaateqarlutik saaffiginnissutaannut assersuutit, taakkunungali tunngasut taarsigassarsisitsinerimi aaqqissuussami ersinngillat. Taamaattoq taarsigassarsiat uppernarsaataat journalini nassaarineqarsinnaasimapput. Taarsigassarsiat tamakkua tamakkerlugit akilernerneqarnerat Namminersorlutik Oqartussani 2022-mi isertitanik annikinnerusunik nassataqarput.

Pingaarnertut pineqarpoq ingerlatsinerimi unammilligassat aamma taamaattumik ajornartorsiut ima naliilernerneqanngilaq 2024-mi angusanut aamma/imaluunniit ulloq 31.12.2024 taarsigassarsisitsinerit nalingannik inissiiinerimi nalorninaatinik pingaarutilinnik kinguneqartitsissasog.

Taarsigassarsisitsinermi aqqissuussaq nutaaq qularnanngitsumik unammilligassanik arlalinnik iluaqusiissaaq, tamatumali ilutigisaanik pingaaruteqarpoq taarsigassarsisitsinerit nalunaarsorneranni ingerlatseriaatsit nalileqqinneqarnissaat, aamma taarsigassarsisitsinermi aqqissuussami taarsigassarsiat nalunaarsorneranni malitseqartitsinermik aqqissuussaanerusumik ingerlatsisarnissamik eqqussisoqarnera.

Taamaattumik kukkunersiuusutut oqaaseqaaterput sulii ammatipparput.

2.4. 2023-mi naatsorsuutitut tunngatillugu Kukkunersiuinermut Ataatsimiititaliap isumaliutissiissutaanik malitseqartitsineq

2023-mi Nunatta Karsiata naatsorsuutai pillugit kukkunersiuusutut oqaaseqaatitsinnut Naalakkersuisut akissuteqaataat Kukkunersiuinermut Ataatsimiititaliamit pissarsiariniarneqarsimapput.

Akissutit pissarsiarineqarsimasut misissorpagut, misissorlutiguttaaq Kukkunersiuinermut Ataatsimiititaliap 2023-mi Nunatta Karsiata naatsorsuutai pillugit isumaliutissiissutai.

Suliniutaasussat arlaqartut Naalakkersuisut akissuteqaataanni taaneqartut tamakkiisumik atuutsinneqalersimanersut taamatullu taakku kissaatigineqartutut kinguneqarsimanersut naliliiffiginissaannut sulii siusippallaarpoq.

Immikkoortumi ukiut siuliini kukkunersiuinermi oqaaseqaatit malittarineqarlutik suliarineqarsimaneritut tunngasuni, immikkoortut arlaqartut siornatigut eqqaaneqartut sulii ammaannarput tamatumalu ilaatigut ersersippaa suliniutissamik aalajangiinnermit taassuma sunniutissarpiaanut piffissaq pisariaqartinneqartartoq.

2025-mi ukiumoortumik naatsorsuutitut suliaqarnissatsinnut atatillugu malinnaatitsilluta suliarissavarput pissutsit uparuarneqarsimasut iliuuseqarfigineqarsimanerat – taakkualu qanoq kinguneqarsimanerat.

3. Aningaasaqarnermik kukkunersiuineq

Aningaasaqarnermik kukkunersiuinermi pineqarput Namminersorlutik Oqartussat ukiumoortumik naatsorsuutaat sutigut tamatigut eqqortuunerannik nakkutilliineq, tassa kukkunernik aamma amigaatinik pingaarutilinnik imaqaratik Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28 november 2016-imeersoq kingorna allannguutitalik kiisalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022 naapertorlugu suliarineqarsimasut.

3.1. Aallaqqaasiut

Kukkunersiuineq ingerlanneqarpoq nunatsinni kukkunersiuisoqarneq pillugu inatsit kiisalu nunani tamalaani aningaasaqarnermik kukkunersiuinermi malitassat naapertorlugit.

Aaqqissuussap ukiumoortumik naatsorsuutai suliarineqarput Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq kingorna allannguutitalik, kiisalu Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022 naapertorlugit.

3.2. Nammineq nakkutilliineq

Kukkunersiuinermi ilanngunneqarput suliffeqarfiup nalunaarutiginninnermik aaqqissuussai, suleriaatsit atugai aamma nammineq nakkutilliinerup illersorneqarsinnaasumik atuuffeqarnerannik naliliinerit.

Tassunga siunertaavoq naatsorsuutini saqqummiussinermut tunngavissat naatsorsuuserinermi eqqortumik nalunaarsorneqarsimanerannik, uppernassuseqarnerannik piffissarlu eqqorlugu suliarineqarsimanerisa nakkutilliiffiqarneqarnerat.

Aammattaaq suliffeqarfimmi suleriaatsit taamatullu nammineq nakkutilliinerit sukumiinerusut nuussinernut aamma naatsorsuutini inissitsikkanut immikkut pingaarutilinnut atorneqartut naliliiffigaavut.

3.2.1. Nammineq nakkutilliinermik naliliineq

Uagut naliliivugut Namminersorlutik Oqartussat nammineq nakkutilliinera nammineq nakkutilliinernik illersorneqarsinnaasunik pigisaqarnermut, aamma paasissutissanik naatsorsuutitut tunngasuuteqartunik uppernassuseqartumik suliaqarsinnaanermut sutigut tamatigut sunniuteqaqataasut.

Suliassaqarfinnut assigiinngitsunut arlalinnut/nuussinerni assigiinngitsuni PRISME-systemip atuutsinneqalernerata kingorna nammineq nakkutilliinerit allaaserineqarnerannik

nalilerneqarnerannillu suliassat suli amigaataapput. Nuussinert ilaat amerlasoorujussuit IRIS system aqutigalugu suli ingerlanneqartarmata, nutarsaanert suli ingerlanneqanngitsut annermik pingaaruteqanngitsutut isigineqarput.

Suliassa qarfinnut arlannut tunngassuteqartumik nakkutilliinert pilersinneqarsimasut sanngiippallaanngikkunik tamatigoruinnaq aalajangersimasumik ingerlanneqarneq ajorput. Tassunga assersuutaapput utertitassanik piffissalersuineq, taarsigassarsitsisinernik malittarinninnerit, akiligassaqartunik naleqqatigiissitsinerit il.il.

Namminersorlutik Oqartussani aarlerinaatinik naliliinert aamma aqutsinerit aqqissuussaasumik aalajangersakkamillu suli suliarineqarneq ajorput. Nakkutilliinert pilersinneqarsimasut pingaarnertut "ileqqorissaarnissamut" tunngassuteqarnerupput. Taamaattumik nalileruminaappoq nakkutilliinert pitsaassusiat taamaattumillu nakkutilliinermik suliat nukissanik annikinnerusunik atuilluni suliarineqarsinnaanersut.

3.3. Aqutsisut nakkutilliinernik tunulliussinerannut aarlerinaat

Aqutsisut nakkutilliinernik tunulliussinerat kukkunersuiusut najoqqutaat 240 naapertorlugu tamatigut aarlerinaataavoq pingaarutilik.

Kukkunersuiusutut iliuutsinik ingerlatsivugut aqutsisut nakkutilliinernik tunulliussisinnaanerannut ersiutaasinnaasut suussusersiniarlugit. Immikkoortumi matumani iliuuserisat aamma suliassa qarfiit pingaartillugit misissorsimasavut allaaseraavut.

Aqutsisut nalinginnaasumik ima atorfeqartinneqartarput taakkununga peqquserluutinik ingerlatsisinnaaneq periarfissaalluni, aqutsisut naatsorsuutitut atorussanik uukapaatitsisinnaagamik nakkutilliinernik tunulliussinikkut, taakkununga pitsaasumik ingerlasorinaraluartunik.

Inuit marluk imaluunniit arlallit aqqissuussani assigisaanilu naammattunik pisinnaatitsissuteqartut nakkutilliissutit pilersinneqarsimasut tunulliutissallugit suleqatigiikkunik, taava tamassuma paasinissaa ajornakusoortorujussuusinnaavoq.

Peqquserlunnerit imaluunniit peqquserlunnerussangatinneqartut pillugit ulluinnarni aqutsisunut oqaaseqaatinik piniartussaavugut. Iliuutsit taakku Namminersorlutik Oqartussat immikkuullarissumik ilusiligaanerannut naleqqussagaapput, oqaaseqaatinik taakkununga taamaallaat Aningaasaqarnermut Akileraartarnermullu Naalakkersuisoqarfimmut Naalakkersuisunut tamanut sinniisutut oqaaseqaatinik piniarfigigatsigu.

Naalakkersuisoqarfimmit uagutsinnut paasissutissiissutigineqarpoq:

- Peqquserlunnernik pinaveersaartitsinerimut paasinissaannullu nammeneq nakkutilliinert ilusilersornissaannut, atulersinnissaannut malinnaatinnissaannullu akisussaaffeqarlutik,
- Ukiumoortumik naatsorsuutit aqutsisullu nalunaarutaata peqquserlunnerit malitsigisaannik annertuumik kukkusunik paasissutissanik ima qarsinnaanerisa aarlerinaataanik nalilersuinermik inernera ingerlateqqissimallugu,

- Peqquserlunnernik, peqquserluttoqarsimaneragaanernik imaluunniit peqquserlunnerussangatinneqartunik ilisimasaqaratik taamatuttaarlu naatsorsuutininik allanngortiterisoqarneratigut imaluunniit pigisanik atornerluisoqarneratigut ukiumoortumik naatsorsuutini annertuunik kukkuneqarnissaanut immikkut aarlerinaateqannginnera nalilerneqartoq.

Ukiumoortumik naatsorsuutit naammassineqarnerannut- aamma nalunaarutiginninnermut periutsit nammineq nakkutilliiffineqarnerat naliliiffigaavut. ERP-systemimit (PRISME), fakturaflowsystemimit (IRIS) aamma akissarsialerinnermut systemimit (MR-løn) paasissutissat tamaasa piniarpagut. Paasissutissat taakku nalinginnaanngitsunik nuussisoqarsimasinnaanerannik misileraaffigeqqippagut.

Aarlerinaatinik naaperiaaniarluta ullup oqimaaqatigiissitsiffiup aamma naatsorsuutit naammassineqarfissaasa nalaanni inissitsikkat misilinneqarnerannik ingerlatsivugut, misilittakkanit ilisimagatsigu, nakkutilliinernik tunulliussisoqarnissaanut aarlerinaatit piffissami tassani ilimanaateqarnerusartut.

Nuussinernik annertuunik nalinginnaanngitsunik paasisaqanngilagut.

Aqutsisut nakkutilliinernik tunulliussinerannit ukiumoortumik nalunaarummi kukkunernik amigaatinillu suussusersisaqanngilagut.

3.4. IT-mik atuineq aamma IT-mik isumannaal-lisaaneq nalinginnaasoq

IT-mik nakkutilliinerit nalinginnaasut tassaapput nakkutilliissutit aqutsisunit pilersinneqarsimasut suliffeqarfimmi it atorlugu sulianik ingerlatsivinni pingaarnerusuni atorneqartut, it-mik atugaarneq pitsaasumik nakkutigineqartoq isumannaatsorlu siunertaasinnaaqqullugu, aamma taamaattumik suleriaatsit it-mik tunngaveqartut paasissutissartaasa uppersassuseqarnerannut tapertaasut.

Namminersorlutik Oqartussat kukkunersiorneqarnerannut atasumik it-mik nakkutilliissutit nalinginnaasut toqqakkat ilusilersorneqarnerat aamma atuutsinneqarnerat naliliiffigaagut, taakkua ukiumoortumik nalunaarummik saqqummiussinnermut naapertuuttutut nalilikkavut, kukkunernik pingaarutilinnik eqqortumilli aamma inatsisitigut piumasaqaataasut naapertorlugit saqqummiussinissamut naammassinnittut. Nakkutilliissutit nakkutilliinermik ingerlatsinerisa pitsaassusiat misileranngilarput.

Kukkunersiuinerup ataatsimoortup ilaatigut tunngavigisarpaa aqqissuussami nammineq nakkutilliinerit naapertuuttut atugaanerat, ilanngullugit assaannarmik nakkutilliinerit aamma atuisunut aqutsissutit suliffeqarfimmi atorneqartut nammineq isumagisumik nakkutilliinerisa nakkutilliiffineqarnerat. IT-mik nakkutilliissutit nalinginnaasut misissorneqarneranni atuisunut aqqissuussani ataasiakkaani nakkutilliinerup- aamma isumannaallisaanerup pitsaassusiat nalilerneqanngillat, tassunga ilanngullugit allaffissornermik ingerlatsinerimi ingerlatseriaatsini aamma atuisunut aqqissuussani ingerlatsinerimik sulianik suliaqarsinnaanerannut isissutininik nammineq isumagisumik nakkutilliissutit. Aammattaaq oqaatigineqassaaq nakkutilliissutit pitsaassusiannik uppersaasissamik siunertaqarluni kukkunersiuinerimik ingerlatsisoqanngimmat.

Kukkunersiuinnermut atasumik suliffeqarfiup it-mik atuinerannut ilisimasavut nutarsarsimavagut, it-mik nakkutilliinerimik suliaasaqarfimmi nalinginnaasumik naliliisinnajumalluta aamma ukiumoortumik naatsorsuutit kukkunernik pingaarutilinnik imaqarsinnaanerannut aarlerinaatit

nalilersinnaajumallugit. Taamaattumik it-mik nakkutilliissutit toqqakkat ilusilersorneqarnerat atuutsinneqarnerallu nakkutilliiffigaavut.

Systemit aaqqissuussat pingaarnerit makkuupput:

- PRISME (aningaasaqarnermik naatsorsuuserineq)
- IRIS (akiligassanik suliarinninneq)
- MR-løn (akissarsianik allaffissorneq)
- e-Skat (akileraarutininik allaffissorneq)
- XAL (siusinnerusukkut aningaasaqarnermik naatsorsuuserineq)

It-mik nakkutilliissutininik nalinginnaasunik kukkunersiuinerput tunuliaqutaralugu - Naalakkersuisut ukiumoortumik nalunaarutaanik kukkunersiuinerput tapertaasussatut pingaaruteqartutut nalilikatsinni, suliaasaqarfinni malunnaatilimmik pitsanngorsaatisat makkuu naammattoorpavut:

- Innersuussutigaarput, Namminersorlutik Oqartussani it-mik atuineri aarlerinaataasinnaasunik misissuinermik tamakkiisumik aqutsisunillu akuerisaasumik ingerlatsisoqaqqullugu, aqutsisunit Naalakkersuisut isumannaallisaanertut kissaatigineqartoq tunngavigalugu – minnerunngitsumik nunarsuarmi politikkikkut qanoq inissisimaneq eqqarsaatigalugu tamatumalu malitsigisaanik aarlerinaatit annertunerunerat pissutigalugu
- Innersuussutigaarput, atuisunut allaffissornermik ingerlatsineri malittarisassanik piumasaqaatitalinnik Naalakkersuisut suliaqaqqullugit, aaqqissuussanut aamma it-mik ingerlatsiffinnut tamanut atuuttumik. Malittarisassat imannak imaqartariaqarput:
 - Atuisunik pilersitsineq aamma pisinnaatitaaffinnik tunniussineq.
 - Piffissalersugaasumik isissutininik aamma pisinnaatitsissutininik naliliineq (minnerpaamik ukiumoortumik), ilanngullugit suliamik immikkoortitsisinnaanermik toqqissisimanartumik pilersitsisoqarnerata eqqarsaatigineqarnera.
 - Atuisut suliffimmi soraarneranni atorunnaarsinneqarnerat.

Taassuma ilassutaatut innersuussutigaarput Namminersorlutik Oqartussani suliaasaqarfinni tamani periutsimik atuinerup pigiliunneqarnissaanut Naalakkersuisut qularnaarinnissasut, aamma atuisunik atorunnaarsitsinerit piffissakkuutaartumillu pisinnaatitsissutininik nalileeqqittarnerit aamma suliamik immikkoortitsisinnaanerit pisortatigoortumik uppersarsarneqartarnerat atugaaleqqullugit.

- Innersuussutigaarput, MRLøn-imi atuisut ataatsimoortut pilersinneqarsimasut atorunnaarsinneqassasut paarlattuannik inunnut ataasiakkaanut atuisutut innersuunneqarsinnaasut pilersinneqaaqqullugit.
- Innersuussutigaarput ineriartortitsineri suliaqartut toqqaannartumik aamma tamakkiisumik pilersitsineri suliaasaqarfinnut, MRLøn aamma eSkat pisinnaatitsissuteqannginnissat. Tamanna piviusunngortinneqarsinnaanngippat innersuussutigaarput ineriartortitsineri suliaqartut pilersuineri suliaasaqarfinni iliuuserisaasa nakkutilliiffigineqarnerannik pilersitsisoqaqqullugu (ass. pilersuineri suliaasaqarfinnut isernerit nakkutigineqarnerat, aamma isernerit piffissakkuutaartumik, malittarineqarlutik pisortatigoortumillu nakkutigineqarnerannik pilersitsisoqaqqullugu).

Innersuussutigaarput Namminersorlutik Oqartussat MRLøn, IRIS, XAL aamma PRISME-mut tunngasumik misissuinerimik ingerlatseqqullugit, aqqissuussat inissitsiterneqarneri applikationini aamma applikationit akimorlugit atuuffimmik immikkoortitsisinnaaneranngit toqqissisimanartumik pilersitsisoqarsinnaanerannik piareersaasoqarsinnaaqqullugu. Misissuineq taanna uteqqinneqartariaqarpoq applikationini allannguutini saqqummiussisoqartillugu inissitsikkat atuuffiisa/pigin-naasaasa allanngornerannik nassataqartillugit.

Aammattaaq innersuussutigaarput qulaani misissuineq taasarpit aallaavigalugu atuuffiit/pisinnaatitsissutit suut imminnut akuleriinnerut nalunaarsorneqaaqqullugit, taakkua sulianik immikkoortitsisinnaannginnerat pillugit suleqatigiinnerminni atuuffiisa imminnut assortuunnerannik nassatallit, aamma taamaattumik pisinnaatitsissummik tunineqartariaqanngitsut, tassunga immikkut akuersissummik tunniussisoqarsimanngippat aamma tapertatut nakkutilliinernik pilersitsinissaq ilitersuussutigineqassaaq (ass. isissutit aamma taakkua misissorneqarnerat).

Paasivarpit MRLøn-imik, XAL aamma PRISME-mik atuisut aamma atuisut isersinnaassusiat aqqissuusaasumik piffissakkuutaartumik nalilersorneqaaqqinnerannik ingerlatsisoqartanngitsaq. Paasissutissiisoqarpoq, atuisut piffissakkuutaartumik nakkutilliiffineqartatut. Taamaattoq piffissakkuutaartumik pisinnaatitsissutini tunniussimasani nakkutilliisoqartanngilaq.

Innersuussutigaarput systeminik aamma toqqammavinnik attuumassuteqartunik atuisunut pisinnaatitaaffinnik tunniunneqartunik piffissalersugaasumik uppersaasiukkamillu nalilersuisoqartassasoq, pisinnaatitaaffinnik tunniunneqartunik piffissalersugaasumik nalilersueqqittoqartannginnera imaluunniit naamanngitsumik nalilersueqqittoqartannginnera atuisut pisinnaatitaaffiisa piffissamut naleqqukkunnaanerannik aamma suliaminnut tunngatillugu pisariaqartitsinerannut naapertuukkunnaanerannik kinguneqarsinnaanera aarlerinaateqarmat.

Illanngullugu paasivarpit, MRLøn-imi sulisut namminerisamik isissutaat pillugit malittarisassat atuutsinneqartut inuit namminneq isissutaat pillugit politikkimut atuuttumut naapertuutinnngitsut, aamma XAL pillugu isissutitut immikkut piumasaqaatinik inissiisoqarsimanngitsaq.

Innersuussutigaarput pissutsit taakkua naleqqussarneqaaqqullugit isissutit pillugit malittarisassat atuutsinneqarlutik aamma inuit namminneq isissutaat pillugit politikki malinneqaaqqullugu.

MRLøn pillugu paasivarpit, uagut misissugassanik tiguisarluta nakkutilliinitsivut periarfissaqanngitsaq uppersarsallugu, atuutsinneqalernera sioqqullugu allanngineq naammattumik misilerarneqarsimanersoq akuerineqarlunilu.

Allannguinerit misilerarneqarnissaannut atasumik misileraanissatut pilersaarutit- aamma ingerlatsinerit amigartumik imaluunniit naamanngitsumik atornerarnerat aamma akuerineqarnerat aarlerinaatitaqarput, misileraanerit ingerlanneqartut pitsaassusiannut amerlassusiannullu, aamma taakkunanga angusat naatsorsuutigisanut naapertuutinnnginnerat taamaattumillu atulersitsinermi aqqiissutissat kukkuneqarsinnaasarlutik.

Innersuussutigaarput atulersitsinermut atasumik allannguinerit tamarmik misilerarneqarnerannik aamma taakkua pitsaassusiisa uppersarneqarnerannik nassatallit tunniunneqartaqqullugit, taamatullu allanngortitsinernit uppersaatit tamakkiisumik pisaqqullugit.

Tassunga tunngatillugu kukkunerisuiusutut oqaaseqaammik saqqummiussinissarpit toqqarparput.

3.5. Aningaasaqarnermik kukkunersiuinermi immikkoortut pingaarutillit

3.5.1. Pisortat kontunut pilersaarutaannik ataatsimoorussamik atugaarneq

PRISME-mik (aningaasaqarnermik aqutsissut) atuutsitsilernerup ilutigisaanik pisortat kontunut pilersaarutaannik ataatsimoorussamik ineriartortitsisoqarpoq atuutsitsinermillu ingerlatsisoqarluni (eqqornerusumik kontunut pilersaarutit arlallit imminnut tapertariissut).

Kontunut pilersaarutip nutaap siunertaraa Namminersorlutik Oqartussani aamma kommunini aningaasaqarnermik aqutsinerup pitsanngorsarnissaa, tassunga ilanngullugu paasiniaanissamut tunngavissaq pitsaannerusooq.

Kontunut pilersaarummik nutaamik atuinnermut atasumik ingerlatsivinni sulii unammilligassaqarpoq – pingaartumik aningaasaqarnermut kontunut pilersaarummik atugaarneq eqqarsaatigalugu (politikkikkut suliaasaqarfiusunut ataasikkaanut nukissanik uuttortaaneq).

Assersuutigalugu Namminersorlutik Oqartussat erniat kontunut inississornissaannut siunertaq 17 tamatigut atorineq ajorpaat, soorlu tamanna kontunut inississuinnermut ilitsersuummi allassimasooq.

Kontunut pilersaarut aamma kontunut eqqortunut inissitsiterinernik paasinninnissamik pitsanngorsaaneq anguniarlugu sulianik ingerlatsisoqartuarpoq. Innersuussutigineqarpoq suliaq taanna ingerlaannassasooq, tassunga atasumik sulii pitsanngoriartortoqarnissaanut periarfissaqarmat.

3.5.2. Akileraarutit akitsuutillu

Akileraarutinit akitsuutinillu isertitat Akileraartarnermut Aqutsisoqarfimmit ingerlanneqarput.

Aningaasaqarnermut systemip aamma eSkat akornanni nikinganersuiisoqarsimanera misissuiffigaarput aammattaaq Akileraartarnermut Aqutsisoqarfiup ukiumi akileraarutini piffissalersuisimaneranit nalunaarusiat Namminersorlutik Oqartussani naatsorsuuserinnermi tunngavissat malillugit suliaasimanerat pissarsiarisimallugit.

Namminersorlutik Oqartussat akileraarutinit assigiinngitsunut tamanut (inuit akileraarutaat, ingerlatseqatigiiffit akileraarutaat il.il.) akiliisitsiniaanermik ingerlatsisuuvoq. Kommunit pissaat ukiumi ingerlanerani akiliutaagallartut atorlugit tunniunneqartarput aamma qaqugukku akileraarutini ingerlatsisoqarnera naatsorsuinnerit inaarneqarnerannut apeqqutaasarpooq.

Akitsuutinit tunngatillugu nakkutilliiffigaarput, akitsuutit akileqquneqartartut ukiumi naatsorsuuseriffiusumi eqqortumi isertitatut inississorneqartartut piffissani aalaajngersimasuni assigiinngitsuni.

Ileqqorissaarnissaq tunngavigalugu oqaatigissavarput, akileraarutit amerlassusissaasa aalangerneqarnerat kukkunersiuinnermi ilanngunneqanngimmat.

3.5.3. Peqatigiiffinnut suliffeqarfinnullu tapiissutit

Peqatigiiffinnut suliffeqarfinnullu tapiissutit ima agguataarneqarsinnaapput:

- Kiffartuussinissamik isumaqatigiissutit
- Ingerlatsinermut tapiissutit
- Qinnuteqarnerup kingorna tapiissutit

Ukiuhoortumik naatsorsuutini peqatigiiffinnut suliffeqarfinnullu tapiissutit atuuffitsik tunngavigalugit agguataarneqarsimapput.

Innersuussutigissavarput naatsorsuutini inissitsikkat siunissami qulequttanut pingaarnernut pingasunut agguataarneqaqqullugit, tiguisussaq pillugu ataani immikkut erseqqissaasikkanik (kiffartuussinissamut isumaqatigiissutit aamma ingerlatsinermut tapiissutit) imaluunniit tapiissutit (qinnuteqarnerup kingorna tapiissutit).

Taamaalilluni aningaasanik taakkuninnga atuineq annermik erseqqissarneqassaaq.

3.5.4. Akissarsiat pensionillu

Akissarsianik akiliuteqarnermut atasumik, immikkoortortanut ataasiakkaanut akissarsiat ilanngaataqanngitsut allattorsimaffiinnik nakkutilliiffigineqartussanik nassiussisoqartarpoq, taakkununga ilanngullugit sulisunut soraarsimasunut akissarsiatut tunniunneqarsimasinnaasut.

Nakkutilliineq pingaarutalik taanna qulakkeerinnissutaassaaq akissarsianik kukkusunik tunniussisoqartannginnissaanut aamma/imaluunniit sulisunut soraarsimasunut kukkunikkut akissarsianik tunniussisoqarsimasinnaaneranut.

Immikkoortortat qaammatit tamaasa akissarsiat ilanngaataqanngitsut allattorsimaffiannik akuerineqartumik ASA-mut nassiussisussaapput.

Aaqqissuussamik nutaamik atuutsisoqalerpoq akissarsiat ilanngaataqanngitsut allattorsimaffiannik nassiussinermut aamma nakkutilliinermut akuersissutitalimik.

Aaqqissuussarli ataqatigiissunut tamanut naatsorsuutigisaasutut sulit atuutilinngilaq, taamaattumik siusinnerusukkut kukkunersiuisutut oqaaseqaaterput attatiinnarparput.

2025-mi akissarsiat ilanngaataqanngitsut nakkutilliiffigineqarnerat malinnaaffigissavarput.

Ukiup naanerani suliamut atatillugu nakkutilliiffigaarput, aningaasaqarnernut aqutsissutip aamma akissarsialerinermit aqutsissutip kiisalu aningaasaqarnermut aqutsissutip aamma Akileraartarnermut Aqutsisoqarfimmut nalunaarusiortarnerup akornanni naligiissaarisogartarnera.

2024-mi ukiuhoortumik naatsorsuutit suliarinerannut atatillugu akissarsiat tamakkiisut akissarsialeriffik aqutigalugu tunniunneqarsimasut kiisalu akissarsiat Sulinal aqutigalugu Akileraartarnermut Aqutsisoqarfimmut nalunaarutigineqarsimasut akornanni naligiissaarisogartarpoq - aamma akissarsiat aningaasaqarnermut aqutsissummut naatsorsuuserinermit ilanngunneqarsimasut ukiuhoortumik naatsorsuutitut ilaasut ilanngullugit.

3.5.5. Nioqputissanik kiffartuussinernillu pisiat

3.5.5.1. Piffissanut agguataarineq

Ukiup naaneranut tunngatillugu nakkutilliiffigaarput, aningaasartuutit ukiumi tassunga tunngassuteqarfimminnut nalunaarsorneqarsimanerat. 2024-p aamma 2025-p akornanni piffissalersuinermit kukkunernik malunnaatilinnik paasisaqartoqanngilaq.

3.5.6. Pisiniartarfinnut akiitsut naligiissarneqarnerat

Avataani pisiniartarfinnik pissaqaqatigiissutit naligiissarneqarnerat nakkutilliineruvoq pingaaruteqarlunnartoq nioqputissanik kiffartuussinernillu pisiat eqqortumik piffissalersorneqarnissaannut. Aamma taamaaliortarneq missingersuutit ingerlaavartumik malittarinninnermut soorluttaaq ukiumoortumik naatsorsuutit eqqortuunerannut pingaaruteqaqaaq.

Ukiup ingerlanerani ingerlatsinerup pitsanngorsarneqarneranik suliaqartoqarpoq, taamaattoq ukiup ingerlanerani uagut kukkunersuunitsinnut soorluttaaq ukiumik naammassinninnermi suliap ersersippaa, naligiissaarinerit naammattunik suliaqartoqartanngitsaq, kiisalu naligiissaarinerit ingerlaneqartut inissitsikkanik ammasunik amerlavallaanik imaqtartut, taamaattumik akiligassaqaqarfinnut pissaqaqatigiissutit naligiissaarinermit suliap nangingneqarnera sulii pisariaqartinneqarpoq.

Ukiup naammassineranut atatillugu naligiissaarinerit ikittunnguanik pissarsivugut, amerlanertigullii decembarip 31-anut naleqqiullugu ulluliussani allani saldinut naligiissarneqarsimasunik.

Innersuussutigissavarput akiligassaqaqarfinnut naligiissaarinermit suliaqarneq - akiligassanillu ammasunik isumannaarinissaq - siunissami sukaterisoqaqqissasoq, taamaaliornikkut ingerlaavartumik pisiniartarfiit anginerit qulit akornanni qaammatikkuutaartumik naligiissaarinermit ukkassisoqartaqqullugu, kiisalu naligiissaarinerit nakkutilliiffigineqarnerannik ingerlatsisoqartaqqullugu.

Aammattaaq innersuussutigissavarput pisiniartarfinnut akiitsunik decembarip 31-ani naligiissaarisarneq immikkut ukkatarineqassasoq, tamanna ukiumoortumik naatsorsuutini piffissanut agguataarinerup eqqortumik ingerlanneqarnissaa qulakkeernissaanut pingaaruteqarmat.

Siusinnerusukkut taama pinitsitulli tamanna pillugu kukkunersuutut oqaaseqaateqarfigaarput.

3.5.6.1. CVR nr.-it allat ataanni aningaasat tigoriaannaat kontui

Kontut tigoriaannarnik imallit nakkutilliiffigineqarnerannut atasumik – tassunga ilanngullugu Namminersorlutik Oqartussat aningaaseriviniit pigisat pillugit apeqqutilliinernit naleqqatigiissitsinernit – paasivarput, aningaaserivinni kontot tamarmik Namminersorlutik Oqartussat CVR nr.-iata ataanni aningaaseriviit allattugaataanni ilanngitsut.

Tamanna ASA-mik oqaloqatigiissutigineqarpoq, tassannga ilisimatitsissutigineqarpoq taassuma allannguuteqarnissaanut periarfissat misissorlugit aallartinneqarsimasooq, taamaaliornikkut aningaaserivinni kontut tamarmik Namminersorlutik Oqartussat CVR nr.-anut attuumassuteqartunngoqqullugit.

3.5.7. Avataanit aningaasaliissutit

Suliassaqaarfinni arlalinni isertitat avataanit suleqatinit pissarsiarineqartarput. Isertitat taakkua siunertanut aalajangersimasunut atorneqartussaapput. Tassaasinnaapput Aatsitassaqaarnermik suliassaqaarfinni oqartussaaffeqartutut sulianit isertitat aamma ilisimatusarnermik suliassaqaarfinni suliniutit avataanit aningaasalersorneqartunit isertitat.

Isertitat aamma aningaasartuutit taakkua kontut inerneqareersut atorlugit ingerlanneqarput aamma taamaattumik immikkoortortat ingerlatsinermi kontuannut toqqaannartumik sunniuteqartaratik.

Taamaattumik kontuni taakkunani nikinnerit Namminersorlutik Oqartussat naatsorsuutaanni ersinngillat.

3.5.8. Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiu-taat kiisalu kommunit akornanni nuussinerit naligiissarneqarnerat

Kukkunersiunerit atillugu Namminersorlutik Oqartussat, suliffeqarfiit nammineertitat, Namminersorlutik Oqartussat ingerlatseqatigiiffiutaat kiisalu kommunit akornanni nuussinerit aamma pissaaqatigiissutit (pissaaqatigiissutit, pissat aamma akiitsut) akornanni naligiissarnermik ingerlatsisoqarniaraluarpoq.

Taamaattoq ajornakusoorpoq immikkoortup aappaani isertitatut nalunaarsorneqarsimasoq immikkoortup aappaani akiligassatut suliarineqarsimasumut assingusumut naligiissarnermik ingerlatsiffiqarsimasumik nassaassalluni. Assingusumik ajornakusoorpoq immikkoortumi pissaaqartup immikkoortup illuani akiitsulimmut naligiissarneqarnerannik nassaassalluni.

Assersuutigalugu, Nukissiorfinnit Namminersorlutik Oqartussanut sarfamut, imermut kiassarnermullu akiligassiissutaasa aamma Namminersorlutik Oqartussanut aningaasartuutaasumut inissitsikkani assingusumik naligiissarnermik ingerlatsiffiusimasumik suliaqartoqarsimanngilaq. Tamanna aamma Tele Greenland A/S-ip Namminersorlutik Oqartussanut akiligassiissutaanut atuuppoq.

Soorluttaaq Namminersorlutik Oqartussat kommuninut tapiissutaannut aamma kommunit utertissitaannut aamma kommunit isertitaannut aningaasartuutaasunut atuuppoq.

Taakkununga unammillernartut taamaalillutik suli ersarinnerulersinneqarput pisortat ataatsimoortumik kontunut pilersaarutaanik atortuulersitsinermi.

Naligiissarnermi aamma piumasaqaataavoq "illuatungiliuttut" suliamik tassannga pingaartitsinerat, aamma naak suliaq 2024-mi ingerlanneqaraluartoq suliassaqaarfinni suli unammilligassaaqarpoq – pingaartumik Kommune Kujallermut tunngasunik.

Innersuussutigineqarpoq piffissaq ungasinnerusoq eqqarsaatigalugu nuussinerit tamakkua digitaliserneqarsinnaanerannik misissuisoqaqqullugu, uagut naliliinerput naapertorlugu taakkuninnga allaffissornermik pitsanngorsaaginnaratik – ilaatigullu immikkoortuni attuumassuteqartuni naatsorsuuserinerup pitsaassusianut qaffariaataassaaq.

3.5.9. Aqutsisut nalunaarutaat

Aqutsisut nalunaarutaat misissorparput paasivarpullu pitsaassutsip qaffasissusia assigiinngisitaartupilussuusoq – nalunaarutillu qaqutikkut misissueqqissaarnivinnik ikorfartorneqartutut isikkoqarput.

Tunngaviatigut Aningaasanut inatsimmi oqaaseqaatit aamma aqutsisut nalunaarutaanni nassuiaatit akornanni innersuussinernik imaqarnerusariaqarput.

Suliaqarfinni Aningaasanut inatsimmi ingerlatassatut anguniakkat taaneqarsimatillugit aqutsisut nalunaarutaat minnerpaamik ingerlatat naammassineqartut ingerlatassatut naatsorsuutigineqartunut naleqqiullugit malitseqartitsinermik imaqartariaqarpoq, Aningaasanut inatsimmi oqaaseqaatini nassuiarneqartutut.

Aqutsisut nalunaarutaat 2024 ingerlatsinermi suliassaqaqarfinnut annertuunut tunngatillugu sulianut kisitsisinik arlalinnik imaqartoq paasivarput (atuarfiit, ulloq unnuarlu paaqqinnittarfiit peqqinnissarlu).

3.5.10. Naatsorsuutitut nassuiaatit

Naatsorsuutitut nassuiaatini nassuiaanerit itisiliiffigineqarnerat assinganik assigiinngisitaarput.

Kontumut 24XXXX-imut nassuiaatit kontunut naammaginartumik nassiuateqarfiullutillu misissueqqissaarnivinnik ikorfartugaatut isikkoqartunut assersuutissaalluurtutut immikkut taarusuppagut.

Naatsorsuutitut nassuiaatitut suliaqarfiit tamangajaasa eqqarsaatigalugit naatsuaraapput nikingassutaasunullu pissutaasut pillugit annerusumik paasissutissiiffiunatik.

Tamanna naatsorsuutit atuartumut unammillernarpoq, peqatigisaanilli aaqqissuussaannerup suliaqarfinni aningaasaqarnikkut qanoq ataqatigiittoqarneranik paasisimasaqannginneranut takussutissaappat, aamma aqutsinikkut unammillernartoqartitsivoq.

Suliaqarfiit arlallit aamma immikkut taaneqarsinnaapput, kontumili 3103XX-imi (konto 31-03-12 minillugu) nassuiaatit immikkut maluginiarpagut. Kontut arlallit kommunit aningaasartuutaannik utertitsinissamut tunngapput. Kontunilu taakkuni arlalinni utertitsinerit, akigitat, tiguisussat amerlassusaat allallu qanoq annertussuseqarnerat isummerfigineqarpassinngilaq.

Konto 31.03-11-mi allaaserineqarpoq utertitsinerit amerlassusaat siulittuutigiuminaassinnaasoq, tiguisussanut isertitaqarnikkut pissutsit kiisalu inuit qassit pisartagaqarsinnaanerit apeqqutaallutik pisartakkanik tunniunneqartut annertussusaat assigiinngiaarsinnaammata.

Tamatumanilu minnerpaamik Aningaasanut inatsimmi tunngavissat tiguisussallu qanoq amerlatigerpiarneri isummerfigineqartariaqarluarput (kisitsisitigut paasissutissat nammineq piginngikkaanni kommunit attaveqarfigineqartariaqarput).

Assinganillu kontumi 31-03-20-mi ineqarnermut tapiissutit, allaqqavoq ”kommunit utertitsinissamik noqqaassutit 2024-mi naatsorsuutigisamit ikinnerunerat atuinikinnerusoqarneranut pissutaavoq”.

Tamannalu erseqqissumik nassuiaatitut nikingassutaasumut pissutaasumik isummerfiunngutsutut isigineqartariaqarpoq.

Assinganillu kontumi 31-03-36-mi Ernineri ullormusiat, atuinnerusoqarneranut nassuiaatigineqartoq tassaavoq, at ”utertitsinissamik noqqaassutit 2024-mi naatsorsuutigisamit amerlanerusimapput”.

3.6. Aqutsisut naatsorsuutini uppersaanerat aamma ukiumoortumik naatsorsuutini kukkunerit iluarsineqanngitsut

Kukkunersiuineq pillugu nunani tamalaani malitassat naapertorlugit pissutsit ukiumoortumik nalunaarummi iluarsineqarsimanngitsut suussusersisavut ilisimatitsissutigissavagut.

Ilisimatitsissut taanna tunniunneqassaaq qulakkeerumallugu aqutsisut tassunga tunngasumik ilisimatinneqarnerat.

2024-mi naatsorsuutini saqqummiussinnermut atasumik pissutsinik pingaarutilinnik ukiumoortumik nalunaarummi ilanngunneqarsimasariaqaraluartunik paasisaqanngilagut.

Suliassa qarfinnik kukkunersioruminaatsunik kukkunersiuinnermut atasumik ukiumoortumik naatsorsuuseriffiusumut 2024-mut pisortaqatigiit naatsorsuutitut uppersaammik uagutsinnut tunniussipput.

3.6.1. Naatsorsuutini kukkunerit iluarsineqarsimanngitsut

Ukiumoortumik naatsorsuuseriffiusumut 2024-mut naatsorsuutini kukkunernik iluarsineqarsimanngitsunik paasisaqartoqanngilaq.

3.7. Sillimmasersimanermut tunngasut

Uagut kukkunersiuinitsinni aaqqissuussap sillimmasersimaneranut tunngasut ilanngunneqanngillat. Innersuussutigissavarput, aaqqissuussamit minnerpaamik ukiumut ataasiarluni sillimmasersimanerup katinnera sillimmasiisarfik imaluunniit isumaqatigiinniartartoq peqatigalugu nakkutilliiffigisaqqullugu sillimmasiinerit il.il. naliliiffigisinnaajumallugit, tassunga ilanngullugu sillimmasiinerit naammattuunerat aamma suliassa qarfiit immikkut ittut pillugit aaqqissuussap sillimmasersimanermigut amigaateqarsinnaanera nakkutilliiffigisinnaaqqullugu.

Naatsorsuutini naammassinninnermut atasumik ulluinnarni aqutsisunit uppersaqqarput, aaqqissuussami pissutsit atuuttut eqqarsaatigalugit aaqqissuussap aserorneqarsinnaaneranut matussusiinnaasutut missiliuussineq naapertorlugu, aaqqissuussamut sillimasiinerup pilersinneqarsimanera.

4. Inatsisit atuutsinneqarnerannik kukkunersiuineq

Inatsisit atuutsinneqarnerannik kukkunersiuinermi inatsit, malittarisassat aamma nalinginnaasumik ileqqut malinneqarnerat misilerarneqartarpoq.

Pisortat kukkunersiorneqartarneranni malittarisassat (SOR) naapertorlugit pisussaaffinnik kukkunersiuineq ingerlanneqarsinnaavoq kukkunersiorneqartussat kaaviiaartumik pilersaarusiarneqarnerat naapertorlugu, taamaaliornikkut kukkunersiorneqartussatut sammisanullu pilersaarutit attuumassuteqartut ukiut tallimat qaangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkunersiorneqartartussatut kaaviiaartussanut pilersaarummik tulliuuttumik suliaqarpugut:

Sammisanut pilersaarut	Misissorneqarput	2022	2023	2024	2025
Neqeroortitsinermi malittarisassat aamma pisiniartarnermi politikkik eqquutsinneqarnerat*	2021	(X)	(X)	(X)	X
Akissarsiat- aamma atorfinitsitsinermi atugassanut malitassat*	2021	X	X	X	X
Tuniniaanermi malittarisassat tunngaviannik misissuineq*	2021	(X)	X	(X)	X
Oqartussaaffeqartut akiliisitsissutinut malittarisassaannik eqquutsineq *	Pisariaqanngilaq				
Tapiissutinik agguuaassinermi malittarisassanut tunngavissamik eqquutsineq *	2021	X	X	X	X
Pisinnaatitaaffittut aalajangersakkat naapertorlugit nuussinerit *	Pisariaqanngilaq				
Aningaasaliinissamut malittarisassat, taarsigassarsianut malittarisassat il.il. eqquutsinneqarnerat	2021	X	X	X	X
Naalakkersuisunut ilaasortanut pissaqagatigiissutit	2021	X	X	X	X

* SOR naapertorlugu sammisanut pilersaarut. Iliuserisat sukumiissusiat ukiumit ukiumut allanngorartarput, tassunga ilisarnaataavoq (x).
Sammisaq ilanngussatut toqqarneqarpat (ungaluutitaqanngitsumik), pingaarutilit- aamma aarlerinaatilittut naliliinerit tunngavigalugit sammisamik toqqaasoqassaaq, taassuma ataani iliuuserineqarsimasut nakkutilliiffineqassapput.

4.1. Killiliineq

Ukiumoortumik naatsorsuutitut atasumik inatsisit atuutsinneqarnerannik kukkunersiuinermi pingaarnertut aaqqissuussat ingerlatseriaatsillu piusut misissorneqartarput.

Pineqartut misissugassanik ataasiakkaanik tiguisarluta nakkutilliiffigaavut, ilaatigut paasiniaarlugu sammineqartuni suleriaatsit, kisianni aamma nakkutilliiffigiumallugu suliani toqqakkani inatsisit malittarisassallu malinneqarsimanerat.

Inatsisinik malittarisassanillu eqquutsineq pillugu uagut inerniliussarput sulianut misissorneqartunut taamaallaat tunngassuteqarpoq.

4.2. Nakkutilliinermik suliaasaqarfik

Inatsisinik, malittarisassanik, isumaqatigiissutitut pilersinneqarsimasunik aamma ingerlatsinermit periutsit nalinginnaasut pillugit nakkutilliinermik suliaasaqarfimmi ilaatigut pineqarput:

- inatsisit aamma malittarisassat il.il. sulinermit najoqqutatut atorineqartut tamakkiisumik paasisaqarfiginerat
- ingerlatsinermit kukkunernut amigaatinullu aarlerinaataasinnaasunut ilisimaarinnilluni isummersimaneq
- inatsisit aamma malittarisassat il.il., eqquutsinneqarnerisa qulakkeerneqarnissaannut aaqqissuussanik naapertuuttunik pilersitsisimaneq, aammalu
- "qullersat nipaasat" aamma aaqqissuussatut aallartinneqarsimasut ingerlatsinermit suliaap pitsaassusianut naatsorsuutigisatut sunniuteqarnerannik malittarinneq

Inatsisit aamma malittarisassat il.il., eqquutsinneqarnerannik akisussaaneq naalakkersuisoqarfinni ataasiakkaani inissisimavoq. Suliaq qitiusumik suliniutit ass. journalinut toqqorterinermit aaqqissuussat aamma pikkorissarnertut suliniutit atorlugit tapersersorneqarpoq.

Pitsaassutsimik qulakkeerinneq sullissinermit ingerlatseriaatsini ataasiakkaani ilaatinneqarpoq, tunngaviusumik aalajangersagaavoq aalajangiinermi minnerpaamik inuit marluk akuutinneqartassasut. Aalajangiinermi pingaarutilinni katitigaasunilu naalakkersuisoqarfimmi pisortaq ilaatinneqartarpoq.

Attuumassuteqartuunnginnissamut malittarisassat, allattuisussaataaneq il.il., pingartinneqaqaat. Taamaakkaluartoq ingerlatsinermit itisiliilluta kukkunersuiuermit ingerlatsisarnitta ersersippaat, sammisat taakkua pillugit pitsanngorsaaneq suliniuteqarnerit pisariaqartinneqarsinnaasut.

Tassa sullissinerup pitsaassusianik uuttuutaasinnaasumik aaqqissuussaasumik aamma aalajangersakkamik periuseqartoqanngilaq, tassunga ilanngullugit attuumassuteqartuunnginnissamut- aamma uppersaasissamut piumasaqaatinik eqquutsitsinermit (sulianut aqutsisutut nakkutilliinerit) tunngasunik.

Oqaatigineqassaaq akileraartarnermit suliaasaqarfimmi sulianik kukkunersuiuermit ingerlatsinnginnatta, Kalaallit Nunaanni inuit aamma suliffeqarfiit arlallit sinnerlugit suliaqartarnerput pissutigalugu attuumassuteqartuunnginnissamut akerliussaanera pissutigalugu.

Taamaattumik innersuussutigissavarput qitiusumit eqqarsaatigineqaqqullugu, inatsisit malittarisassallu eqquutinneqarnissaannik qulakkeerinneqarnissaq siunertaralugu suliamik pitsanngorsaasoaqqullugu. Assigiinngitsunik periuseqarluni taamaaliortoqarsinnaavoq tassunga ilanngullugu kingusinnerusukkut pitsaassutsimik nakkutilliisarneq (aqutsisut sulianut nakkutilliinerat). -Taamaaliorneq ilaatigut sullissinerup pitsaassusianik naliliinissamut tunngaviliissaaq, ilaatigut immikkut iliuusissatut pisariaqartitanut soorlu ilinniaqqinnernut, aaqqissuussanit tapersersorteqarnissanut aamma aaqqissuussinert atorineqarsinnaasunik il.il..

4.3. Pisiniarnermi, neqerooruteqartitsinermit malittarisassat aamma pisiniartarnermit politikkit eqquutinneqarnerat

Siunertaq

Pisiniarnermi, neqerooruteqartitsinermi aamma pisiniarnermi politikkit eqquutinneqarnerat, aamma neqerooruteqartitsinermi killiliussat eqquutinneqarnerat kukkunersiuermi pingaarnertut sammineqarput.

Pisiniartarnek pillugu malittarisassat sanaartornermik suliaasaqarfimmi Neqerooruteqartitsisarnek pillugu Inatsisartut inatsisaat nr. 11, 2. december 2009-meersumiipput. Nioqqutissanik kiffartuussinernillu pisiniartarnek eqqarsaatigalugu Pisortat suliaasaqarfianni nioqqutissanik kiffartuussinernillu pisiniarnermi neqerooruteqartitsisarnek pillugu inatsit ulloq 01.07.2019 atulersinneqarpoq.

Taassuma saniatigut Namminersorlutik Oqartussat immikkut kaajallaasitamik ulloq 20.10.2020 akuersissuteqarput, tassani neqerooruteqartitsinermi piumasaqaatit suli sukannernerulersinneqarput. Aammattaaq kaajallaasitaq isumaqatigiissutiniq tunniussinermut atuuttoq atuuppoq, taanna nioqqutissanik kiffartuussinernillu pisiniarnermut tunngassuteqarpoq. Naliliisoqarpoq nioqqutissanik kiffartuussinernillu pisinermi isumaqatigiissutiniq tunniussinissamut kaajallaasitamik eqquutsitsineq pingaarnertut unammillernartoqartoq.

2021-mi suliaasaqarfik itisilikkamik nakkutilliffigaarput, ilaatigut pisiat katinnerannik paasiniaaneq aqqutigalugu, ilaatigut siunnersortit kiffartuussineraq toqqarlugu, taanna ataani eqqartorneqartoq innersuussutigalugu. Taassuminnga 2024-mi nakkutillineq sutigut tamatigut periutsiniq il.il. malitseqartitsineruvoq, kiisalu akuersissuteqartarnermik ingerlatseriaatsimik ukkassinermik aammaaqqinneq.

Ilanngunneqartut

Misissuinermi ilaatigut tulluuttut naliliiffigineqarput;

- pisiniartarnek pillugu politikkinik suliaqartoqarsimanersoq, pisiat suussusiannut aamma amerlassusiannut tunngasunik,
- politikkinik aamma suleriaatsini erseqqissumik allaaserineqarsimanersoq pisiniarnermut atatumik akisussaaffinnik agguataarineq, tassunga ilanngullugit assigiinngitsunik pisiniarnermi periusissatut naliliinermi suut piumasaqaataanissaannik aalajangersaasoqarsimanersoq,
- akuersissuteqartarnermik periutsumik inissiisoqarsimanera aningaasartuutit akuerineqarnissaannut tunngasumik, kiisalu periutsumi taassuma eqquutinneqarnera pillugu.
- immikkoortortat naatsorsuutiniq ingerlatsisut suliffeqarfiup nammineq kukkunersiuisuut naatsorsuutiniq najoqqutassiaat nassiuttaga at pillugit qitiusumit akuerineqarsimaneraq, aamma taakkunani allassimassaaq kina pisiniarnermi akiligassanik ilanngussanillu aningaasaqarnermut tunngasunik allanik, inissitsikkanik nikisiterinerni il.il. siullertut aappaatullu akuersisartuunersoq.

Maluginiakkat

Namminersorlutik Oqartussat pisiniartarnermut immikkoortortamik pilersitsisimavoq, tassannga suliarineqassaaq suliaasaqarfiit assigiinngitsut akimorlugit neqerooruteqartitsineq aamma suliaasaqarfinnut ataasiakkaanut neqeroortitsinernik immikkut ittunik ikiuunneq. Immikkoortortaq 2024-mi neqerooruteqartitsinernik arlalinnik ingerlatsivoq/ikiuuppoq, aamma pisiniartarfiit toqqakkani isumaqatigiissutit atuuttut ingerlaavartumik malitseqartitsinermik ingerlatsiffigineqartarput.

Paasissutissanik pissarsiniarnerput aqqutigalugu, tassunga ilanngullugu Irislog aqqutigalugu nakkutilliffigaarput Iris Workflow aqqutigalugu inissitsikkat tamarmik minnerpaamik siullermit aappaannillu akuerineqarnerat. Pissutsini imaattuni siullertut akuersissuteqartuussaaq

kingullertut akuersissuteqarsimatillugu, nakkutilliiffigaarput, pissutsini tamani imaattoq kontomut inissiineq allannguuteqarsimagaangat. Suliassaq taanna siullertut akuersissuteqartuusussamit suliarineqartarpoq, aamma allamik naqqiisoqarsimappat akiligassaq Work Flowimut uteqqittarpoq.

Aammattaaq misissugassanik tiguisarluta nakkutilliiffigaarput naatsorsuutitut najoqqutassat akuersissutigin eqarsimasut pigineqarnerat. Nakkutilliineq oqaaseqaasiornissamut tunngavissiinnngilaq.

Suli maluginiarpaput, naatsorsuutit immikkoortortat arlallit pisiat 500 t.kr.-it sinnerlugit akillit pisiniartarnermut allaffimmut nalunaarutigineqarnissaat pillugit malittarisassanik ilisimasaqan--nginnerat. Taamaattumik innersuussutigeqqissavarput malittarisassanut allaffissornermut paasis-sutissiinermik suliaq pitsanngorsarneqaqqullugu.

4.4. Akissarsiat- aamma atorfinitsitsinerni atugassatut malitassat

Siunertaq

Akissarsiat- aamma atorfinitsitsinerni atugassanik kukkunersiuinermi pingaartinneqarput:

- Isumaqatigiissutit allanngorneranni akigitat aqqissuussani atukkani nutarternarat,
- Isumaqatigiissutitut eqqortunut inissinneqarneranni, ukiut suliffiusimasut tunngavigalugit naatsorsuutitut uppersaatait kiisalu piginnaasanut tapisassaasinnaasut eqqortut,
- Akissarsianik naatsorsuutit aamma nalunaarutiginninnerit eqqortut

Ilanngunneqartut

Kukkunersiuinermi ilaatigut nalilernerqarpoq Namminersorlutik Oqartussat:

- Suleriaatsinik pilersitsisimasoq, inatsisit atuuttut tunngaviginagit akissarsianik tunniussisoqartarneranut pitsaaliisunik,
- Periusissiaqartoq naliliissutitut atukkamik, akissarsianik inissiinerni pissusissamisoortumik uppersaateqarnerup aallaavigneqartarneranut,
- Akuersissuteqarani isersinnaasunik nakkutilliisoqarneq,
- Aningaasanik nuussinnerit naqiterneqarneranni akuerineqartarnerannik nakkutilliineq
- Aqutsitut suliassat qaangerlugit sulineranni najoqqutassat atuuttut naapertorlugit akissarsisigneqartarnerannik nakkutilliineq.

Maluginiakkat

Akissarsialerinemik ingerlatsissummit akissarsianik qaammammusianik suliat toqqakkat arlallit namminersorlutik oqartussani ingerlatsivinni assigiinngitsuneersut misissorpavut.

Inunnut toqqakkanut akissarsiatut, tapitut, ullormusiassatut aamma aqqiissutitut tunniussat misissoqqissaanerannik ingerlatsivugut aamma akissarsialeriffiup uppersaataannut assersuussinernik ingerlatsilluta, aamma nakkutilliinermi atorlutik soorlu akissarsiat pillugit isumaqatigiissutit, akissarsiasat nalunaarsuiffiat kiisalu kaajallaasitani allassimasut aalajangiussanut il.il. ataasiakkaanut tunngasut tamaasa ilanngullugit.

Misissugassanik tiguisarluta paasiniaanitsinni kukkunernik malunnaatilinnik takusaqanngilagut.

Taamaattoq paasivarput

- suliani ataasiakkaani ukiut suliffiusimasut tunngavigalugit naatsorsuinernik eqqortunik suliaqartoqarsimanngitsoq. Pissutsit paasineqartut sulisut ataasiakkaat akissarsiassaannik inissiinernut aamma akissarsiassaasa amerlassusiannut isumaqarput isumaqatigiissutitut ataasiakkaanut tunngasut eqqarsaatigalugit,
- suliani ataasiakkaani atorfinitsitsinermut allakkiamik atsiukkamik uppersaateqartoqanngitsoq, suliani ataasiakkaani ilinniarsimanermut uppersaatinik, ukiut suliffiusimasut tunngavigalugit naatsorsuinernik aamma suliffigisimasat uppersaataannik cv peqartoqanngitsoq.

4.5. Tuniniaanermi akuersissutit pisariaqartut pigineqarnerannik qulakkeerinninneq aamma naatsorsuutigisaasutut ingerlanneqarnerat

Siunertaq

Tuniniaanermi akuersissutit pisariaqartut pigineqarnerannik aamma tunisinernut assigiinngitsunut killiliussat, taakkununga ilanngullugit najoqqutassatut tunngaviit (inatsisitigut tunngavissat) naapertorlugit ingerlatsisoqarneranik nakkutilliumalluni kukkunersuineq ingerlanneqarpoq.

Ilanngunneqartut

Nakkutillinerup ilaatigut imarai ukiumi sunut allannguuteqartitsisoqarsimaneranik oqaloqatigiinnerit;

- suliamik ilinniartinnit akigitatut nalunaarsukkat aningaasanut inatsimmi akuersissutigineqartunut assingunersut,
- akigitatut ulloq unnuarlu angerlarsimaffinnut atorneqartut akigitatut nalunaarsorneqarfianiittunut assingunersut.

Maluginiakkat

Ingerlatsiviit isertitanik matussutissartallit Namminersorlutik Oqartussani erseqqissarneqarsimanngillat, taamaattumillu ingerlaasissamut akinillu aalajangersaanermut qitiusumi malittarisassanik aalajangersaasoqarsimanngilaq.

Isertitat aqqissuussami qitiusumi allaffissornermik ingerlatsiffigineqarput aamma naatsorsuutitut najoqqutassaq naapertorlugu suliffimmi tassunga suleriaatsip allaaserineqarneranik ingerlatsisoqassaaq.

Taamaattumillu suli innersuussutigissavarput isertitassanik akiliuteqaqqusissutinik suliarinninnermik ingerlatseriaatsip tamakkiisup allaaserineqarneranik suliaqartoqaqqullugu.

4.6. Tapiissutiniq agguassinermit malittarisassanut tunngavissamik eqquutitsineq

Siunertaq

Tapiissutit Aningaasanut Inatsimmi tapiissutitut akuersissutit aqutigalugit tunniunneqartarput, tassani tapiissutiniq aalajangersimasunik tunniussinissamut aallaavittut killiliussat/piumasaqaatit erseqqissarneqarsimapput. Tapiissutiniq pissarsisartut annermik tassaapput kommunit, ingerlatsiviit namminersortitat, suliffeqarfiit Namminersorlutik Oqartussanit pigineqartut kiisalu suliffeqarfiit allat, peqatigiiffiit il.il.

Ilanngunneqartut

Naalakkersuisoqarfiit tamarmik aningaasanut inatsimmi suliassaqaarfimmut attuumassuteqartumik tapiissutiniq ingerlatsinissamut akisussaaffeqarput. Kontut pingaarnertit tassaapput:

- Ingerlatsinermit tapiissutit
- Inuussutissarsiutinut tapiissutit allat
- Tapiissutit allat

Aningaasanut inatsimmi suliassaqaarfinnik angisuunik ataasiakkaanik matussusiisut misissugassanik tiguisarluta nakkutilliiffigaavut tamatumunngalu ilanngullugu nakkutilliiffigalugit, tunniunneqartut aningaasaliissutigineqartunut assingunerat.

Maluginiakkat

Misissugassatut tigusat – kiffartuussinissamik isumaqatigiissutitut naleqqersuussinermik pingaarnertut ukkassinerusut – misissorneqarput pingaarutilinnik oqaaseqaasiorfigineqaratik.

4.7. Aningaasaliissutitut malittarisassat, taarsigassarsianut malittariassat il.il., eqquutsinneqarnerat

Siunertaq

Pisortat ingerlatsineranni tunngaviusumik malittarisassaavoq aningaasartuutit suulluunniit akilerneqassanngitsut aamma isertitat suulluunniit isertinneqassanngitsut taakkununga akuersissutit pisariaqartut pigeqqaartinnagit. Taamaattumik siunertaavoq aningaasaliissutitut-aamma taarsigassarsianut malittarisassat il.il. eqquutsinneqarnerat nakkutilliiffigissallugit.

Ilanngunneqartut

Ukiumoortumik naatsorsuutitut atasumik naatsorsuutitut nassuiaatit ilanngunneqartut nakkutilliiffigaavut.

Maluginiakkat

Naatsorsuutitut najoqqutassaq immikkoortoq 7.3 naapertorlugu, naatsorsuutitut nassuiaammik tunniussisoqassasoq, atukkat katinnerat aningaasaliissutigineqartunit 2 procentimik imaluunniit 1 mio.kr.-inik qaangerneqarsimappata. (1 mio. kr.-it sinnerlugit nikingassutit tamaasa).

Naalakkersuisoqarfik ilisimatitsissaaq pissutsit suut sulianut ingerlanneqartunut tunngatillugu nikingasoorutaasumut tunngavilersuutaanersut – aamma sooq aningaasaliissutit aqqutigalugit nikingasoorutaasumut akuersissutaasussa q pissarsiarineqarsimannginnersoq.

Atorfiit tamarmik inuttalerneqarsimannginnerat nikingasoorummut pissutaasimappat, uagut paasinnittaaserput naapertorlugu ilanngullugu allaaserineqartariaqarpoq, suliassa qarfimmi suliassanik naammassinninnermut sulisussarsisimannginneq qanoq kinguneqarsimanersoq.

Naatsorsuutit nassuiaataat suli peqqissaarusnaanerminni aamma nikingasoorummut tunngaviusunik allaaserinninnerit assigiinngisitaarput – tassunga ilanngullugu nikingasoorutitut suli aalajangersimanerusunut, tassa nikingasoorutit suli at allanngornerannik pissuteqarnerisut nassuiarneqartarneranni. Aningaasanut Inatsimmi oqaasertaliussanut immikkoortumi missingersuutitut naatsorsuutigisaasunik immikkuualuttunik ilanngussassat immikkuualuttortaannik/erseqqissarneqarnerannik allaaserinninnermut atasut eqqarsaatigineqartariaqarunarpur.

Taamaattumik uagut paasinnittaaserput naapertorlugu nassuiaatit arlalitsigut suli pitsanngorsarneqarnissaannut periarfissaqarpoq.

4.8. Immikkoortut allat

Immikkoortunik allanik kukkunersiuineq oqaaseqaatinik pingaarutilinnik saqqummiussinissamut tunngavissiiingilaq.

5. Ingerlatsinermik kukkunersiuineq

Ingerlatsinermik kukkunersiuinermi ingerlatsinerup aningaasaqarnikkut isumatusaarluni ingerlanneqarsimanera misilerarneqartarpoq.

Pisortat kukkunersiorneqarnerannut najoqqutassat, SOR, naapertorlugu pisussaaffinnik kukkunersiuineq ingerlanneqarsinnaavoq kukkunersiorneqartussat kaaviiartumik pilersaarusiarineqarsimanerat naapertorlugu, taamaaliornikkut kukkunersiugassatut pisussaaffittallit ukiut tallimat qaangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkunersiorneqartartussatut kaaviiartussanut pilersaarummik tulliuuttumik suliaqarpugut:

Sammisanut pilersaarut	Misissorneqarput	2022	2023	2024	2025
Sulianik- aamma nukissanik aqutsineq *	2021	X	(X)	(X)	(X)
Anguniakkanik aamma angusanik aqutsineq *	2021	X	(X)	(X)	(X)
Pisiniartarnermik aqutsineq *	2021	(X)	(X)	X	(X)
Ukiuni arlalinni suliniutit missingersuutaannik aqutsineq suliniutit aningaasaliiffigineqartut *	2021	(X)	(X)	(X)	(X)
Pisortat tapiissutaasut aaqgissuussanik aqutsineq	2021	(X)	(X)	(X)	(X)

* SOR naapertorlugu sammisanut pilersaarut. Iliuserisat sukumiissusiat ukiumit ukiumut allanngorartarput, tassunga ilisarnaataavoq (x).
Sammisaq ilanngussatut toqqarneqarpat (ungaluutitaqanngitsumik), pingaarutilit- aamma aarlerinaatiliitut naliliinerit tunngavigalugit sammisamik toqqaasoqassaaq, taassuma ataani iliuuserineqarsimasut nakkutilliiffigineqassapput.

5.1. Killiliineq

Ukiumoortumik naatsorsuutunut atasumik ingerlatsinermik kukkunersiuinermi pineqarput aaqgissuussat ingerlatseriaatsillu pilersinneqarsimasut nakkutilliiffigineqarnerat.

Suliami tassani nalunaarutiginninnermut atasumik aamma/imaluunniit aningaasaqarnermik kukkunersiuinermi taamatullu inatsisit atuutsinneqarnerannik kukkunersiuinermi pissutsinik naapertuuttunik maluginiagaqarutta, taanna uagut nalunaarutiginninnitsinni aamma ilanngunneqassaaq.

5.2. Nakkutilliinermik suliaasaqarfik

Nakkutilliinermik suliaasaqarfimmi sipaarsinnaassuseqarneq, pilersitsisinnaaneq aamma pitsaasumik ingerlatsinermi ilaatigut pineqarput:

- Nukissat ingerlatsinermut atorneqartut kattullutik pitsaanerpaamik naapertuuttuunerat/-pitsaassuseqarnerat akeqarnerallu aallaavigalugit ingerlatsisoqarneranik ingerlaavartumik nalilersuisarnerit,
- Nukissat suliallu pitsaanerpaamik ataqatigiinnerannik ingerlaavartumik nalilersuisarnerit (suliat qaffasissusiat nukissat ikinnerit atorlugit anguneqarsinnaagaluarpat),
- Sunniutissatut kissaatigisanik piviusunngortitsinermut atasumik suliniutit pitsaanerpaaffissaan-niinnerannik ingerlaavartumik nalilersuisarnerit (nukissat ikinnerusut atorlugit assinganik sunniuteqarnissaa anguneqarsinnaagaluarpa).

5.3. Sulianik- aamma nukissanik aqutsineq

Siunertaq

Namminersorlutik Oqartussat suleriaatsinik aamma nammineq nakkutilliinernik naleqquttunik pilersitsisimanersaq malittareqqipparput, aqutsisut paasissutissanik naammattunik aamma uppersassuseqartunik piffissaq eqqorlugu aalajangiinernik tunngavilersorluakkanik aalajangiinissaminut atugassaannut qulakkeerinissutaasunik.

Ilanngunneqartut

Malittareqqiinerup pingaarnertut imaraa aqutsisoqarfinni- aamma naalakkersuisoqarfinni aqutsisunik ingerlaavartumik oqaloqateqartarnerit, suliasaqarfinni allannguutaasimasinnaanik malittareqqiilluta.

Maluginiakkat

Sulianik- aamma nukissanik aqutsineq Namminersorlutik Oqartussani killilimmik annertussusilik taamaallaat ingerlanneqarpoq – aamma pingaarnertut ingerlatsinermik suliasaqarfinni, taassuma ataani sulinermik ilinniarfinni, ulloq unnuarlu neqeroorutini aamma peqqinnissaqarfinni.

Sulinermik ilinniarfinni taamaallaat aningaasaliinerit ilaatigoortumik sulianut attuumassuteqartinneqarput. Aningaasanut Inatsimmi suliasaqarfinni allani sulianut kisitsisit annermik siunertaraat, naatsorsuutigisaasunik naligiissitsinernik saqqummiussinissaq.

Taamaattoq sulianut kisitsisini nikingassutit ilaat nukissanik atuinerlutik toqqaannartumik sunniuteqanngillat, atorneqarlunili aningaasaliissutit aamma atukkat nikingassutaasa akornanni nassuiaatit ilaatut.

Allaffissornermi suliasaqarfiunerusumi sulianik- aamma nukissanik aqutsinermut assersuutissanik nassaarniarnissaq ajornakusoorneruvoq.

5.4. Anguniakkanik aamma angusanik aqutsineq

Siunertaq

Namminersorlutik Oqartussat suleriaatsinik aamma nammineq nakku-tilliissutunik naapertuuttunik pilersitsisimanersaq malittareqqipparput, anguniakkanik Naalakkersuisunit aalajangersarne-qarsimasunik Namminersorlutik Oqartussat nalunaarusiornissaannut qulakkeerinissutaasinnaa-sunik, kiisalu periutsinik aaqqissuussanik anguniakkanik nalunaarutiginninnermik eqqortumik sulia-garnissamut tapertaasinnaasunik pilersitsisimanersaq.

Ilanngunneqartut

Malittareqqiinerup pingaarnertut imaraa aqutsisoqarfinni- aamma naalakkersuisoqarfinni aqutsisunik ingerlaavartumik oqaloqateqartarnerit, suliassaqaqfimmi allannguutaasimasinnaasut malittareqqinneqarlutik.

Maluginiakkat

Namminersorlutik Oqartussani ilisimaaralugu anguniakkanik- aamma angusanik aqutsinermut assersuutissat ikittunnguit kisimik pigineqarput, soorlu ukiup ingerlanerani angusarineqartuviit pillugit uppersaatinut paasissutissat killeqaqisut pigineqartut.

5.5. Pisiniartarnermik aqutsineq

Siunertaq

Namminersorlutik Oqartussani suleriaatsinik aamma nammineq nakkutilliinernik naapertuuttunik pilersitsisoqarsimanersoq malittareqqipparput, Namminersorlutik Oqartussat pisiniarnermik isumaqatigiissutinik neqerooruteqartitsisartoq aamma atorluaasoq taamaaliorlunilu akikilliliissutaasinnaasunik il.il., atugaqarnermut qulakkeerinnissutaasunik.

Killiuussat

Nakkutilliinermi neqerooruteqartitsisarnermut assigisaanullu tunngasut pillugit suleriaatsit aaqqissuussat misissorneqarput, aamma sammisat ataani takuneqarsinnaasunut tunngasut. Nakkutilliinermi neqerooruteqartunik assigisaanillu toqqaanerit ingerlanneqarsimasut naliilerneqanngillat.

Ilanngunneqartut

Pisiniartarnermik immikkoortortaq ataatsimeeqatigaarput tassungalu atasumik sammisat kingorna suliaralugit:

- Pisiassatut pisariaqartitanik nalunaaruteqartarnerit
- Pisiniarnissamut pilersaarutit allanngutsaaliornerat
- Pisiniarnissamut nittarsaassivimmik ammaaqqinneq
- Pisiniartarnermik misissuinerit

Maluginiakkat

Pisiniartarneq pillugu politikkeqarnera aamma pisiniarnermik ingerlatsinermi tassungalu uppersaatinik saqqummiussassat pillugit periusissamik suliaqartoqarsimanera nakkutilliiffigaarput.

Pisiniarnissamut pilersaarutit allanngutsaaliornarat pisarpoq, 250.000 kr.-it sinnerlugit akilinnik pisiassatut nalunaarutigineqarsimasut tunngavigalugit, taakkua naalakkersuisoqarfinnit ataasiakkaanit isumaqatigiissuteqarnerit kingorna nassiuuneqartarput. Ilisimatinneqarpugut 2024-mut tamat pisiniarnissamut pisariaqartitsinermik nalunaarummik aamma nassiussisimanngitsut.

Pisiniarnissamut pilersaarutit suliarineqarnerat allanngutsaaliorneqarnerallu nakkutilliiffigaavut, immikkoortortaqaqfimmiillu neqerooruteqartitsinerit pilersaarutaasutut amerlassuseqartut ingerlanneqarsimanerat, kiisalu siunissami neqerooruteqartitsinissatut pilersaarut pingaarutillit.

Nittartakkakkut pisiniarfiup suli paasiuminarsarneqarneranik suliamik ingerlatsisoqarpoq, aamma taamaaliorluni pisiat amerlanerit elektroniskimik ingerlanneqarnissaat qulakkeerneqassaaq. Ilisimatinneqarpugut aaqqiissutaasussami akuersissuteqartartut tullerriiit ilaatinneqarnissaat maanna atuutilersinneqareersoq, taamaaliornikkullu pissarsiniarnerit tamarmik pisiniarfigisamut tunniunneqannginnerini akuersissutiginneqareertarlutik.

Nittartakkakkut pisiniarfik bubobubo.com-imik tunngaveqarpoq, taanna isumaqatigiissutinik toqqorsivittut aaqqissuussaavoq. Aaqqissuussami pisiat nalunaarsorneqartarput aaqqissuussami isumaqatigiissutit atuuttut tunngavigalugit. Pisiat akiligassartaasa/faktura ingerlaarfiisigut malittarineqarsinnaapput, aamma isumaqatigiissutit pilersissimasat eqqarsaatigalugit pisiat paasiniaaffigineqarsinnaapput. Ilisimatinneqarpugut, pisiniartarfiit isumaqatigiissuteqarfigineqarsimasut akuttunngitsumik killiffissiorluni ataatsimeeqatigineqartartut. Aaqqissuussaq taanna qulakkeerinneqataasinnaavoq, Namminersorlutik Oqartussat immikkoortortaani amerlasuuni isumaqatigiissutit atorineqarnissaannut.

Aammattaaq innersuussutigissavarput pisiniartarfinnit paasissutissat piusut aamma paasissutissat allat tunngavigalugit erseqqissaasoqaqqullugu suliaasaqarfiit suut neqerooruteqartitsiffiusinnaasutut piukkunnaateqarnerisut paasiniarneqaqqullugit. Paasitinneqarpugut EU- Greenland Capacity Facility-puljep ataani suliniummik aallartisaasoqarsimasoq: "Business Intelligence in Procurement", pisiniartarnernik misissueqqissaarisarnerup nakkutilliisarnerullu pitsanngorsarnissaat siunertaralugu pisiniartarnermut suliaasaqarfimmi paasissutissanik misissuisarnermik aamma systemimut ikorfartuinissamik siunertaqartumik. Suliniut 2025-p ingerlanerani naammassineqassanganneqarpoq.

.

6. Ingerlatsinermik kukkunersiuinerit anginerusut

Misissuisitsinerit anginerit Kukkunersiuinermut Ataatsimiititaliamit imaluunniit Naalakkersuisunut ilaasortanit aallartinneqartarput.

Misissuinerit anginerit pilersaarusiorneqartarput misissuinermi sammisassaq aalajangersimasoq aallaavigalugu, taakkunani ilanngunneqarlutik aningaasaqarnermut aamma inatsisinut tunngasut.

Sammisassat Kukkunersiuinermut Ataatsimiititaliamit imaluunniit Naalakkersuisunut ilaasortanit siunnersuutigineqarsinnaapput, soorlu Deloitte avataanit kukkunersiuisutut nammineq sammisassanik siunnersuuteqarsinnaasartog.

6.1. Misissuinerit anginerit Kukkunersiuinermut Ataatsimiititaliamit inniminnerneqartut

Kukkunersiuinermut Ataatsimiititaliamit ingerlatsinermik kukkunersiuisut misissuinerannik anginerit 2024-mi Nunatta Karsiata Kukkunersiuisuanut inniminniisoqanngilaq.

6.2. Naalakkersuisunut ilaasortanit misissuinerit anginerit inniminnerneqartut

Naalakkersuisunut ilaasortat 2024-mi kukkunersiuisut ingerlatsinermik misissuinerannik angisuunik Nunatta Karsiata Kukkunersiuisuanut inniminniingillat:

Taamaattorli "Ulloq unnuarlu angerlarsimaffinni akissarsiatigut pissutsinik misissuineq" ingerlateqqinneqarpoq.

7. Immikkoortunit allanit kukkundersiuisutut suliat allat pillugit paasissutissat

7.1. Pisortat ingerlatsiviutaat immikkut ittut

Pisortat ingerlatsiviutai nammineertitat tassaapput Namminersorlutik Oqartussat inatsisilerinermut immikkoortortaqaafiata ilaanniittut. Pisortat ingerlatsiviutai nammineertitat ukiumoortumik naatsorsuutaat, Namminersorlutik Oqartussat ukiumoortumik naatsorsuutaasa katinnerannut ilaapput.

Pisortat ingerlatsiviutai nammineertitat tassaapput:

- Inuussutissarsiornermik ilinniarfiit
- Ilisimatusarfik

Ingerlatsiviit taakkua nammineq ingerlatsinermut siulersuisoqarmata, taakkua ingerlatsinermut naatsorsuutiniik aamma namminneq saqqummiussisarput, kukkundersiuisunit uppersaaserneqartartunik. 2025-mut siumullu siulersuisut – taamatullu aamma ingerlatsinermut naatsorsuutiniik immikkut kukkundersiuisarnissamik piumasaqaatit – atorunnaarput.

7.2. Suliffeqarfiit nammineertitat kukkundersiorneqartarnerat

Suliffeqarfiit nammineertitat tassaapput Namminersorlutik Oqartussat inatsisilerinermut immikkoortortaqaafiata ilaanniittut aamma tassaallutik suliffeqarfiit:

- Nukissiorfiit
- Asiaq

Suliffeqarfiit nammineertitat Namminersorlutik Oqartussat ukiumoortumik naatsorsuutaannut ilaangillat, namminerisamik ukiumoortumik naatsorsuutiniik saqqummiussisarput.

Kukkundersiuisut nangaassuteqaratik aamma immikkut erseqqissaateqaratik suliffeqarfiit nammineertitat pingasut tamaasa ukiumoortumik naatsorsuutaannut kukkundersiuisutut uppersaammik tunniussipput.

Ingerlatsiviit 2024-mi ukiumoortumik naatsorsuutaat pillugit kukkundersiuisut oqaaseqaataat innersuussutigineqarput.

7.3. Malittarisassanit aalajangersakkat tunngavigalugit immikkoortunik allanik kukkunersiuinerit

Immikkoortunut arlalinnut tunngatillugu malittarisassat aqutugalugit aalajangersagaavoq Namminersorlutik Oqartussanit avataanit kukkunersuiusutut toqqagaq atorneqartussaasoq.

Immikkoortut taakkua 2024-mi tassaapput:

- Kalallit Nunaata Radioa
- Naligiissitaanermut Siunnersuisoqatigiit
- Inuit pisinnaatitaaffii pillugit Siunnersuisoqatigiit
- Meeqqat Oqaaseqartartuat
- Innarluutillit Oqaaseqartartuat
- Greenland Visitor Center
- Erninnermut atatillugu sulinngiffeqartarnermut aningaasaateqarfik Amaat
- Eqqumiitsuliornermut Aningaasaateqarfik

7.4. Ingerlatseqatigiiffinnik kukkunersiuineq

Namminersorlutik Oqartussat pigisaasa pingaarutillit ilaat immikkoortortani namminneq inatsiseqartuni inissisimapput – pingaartumik piginneqatigiiffinni.

Piginneqatigiiffiit, piginneqatigiiffiit pillugit inatsisit ataanniipput aamma Namminersorlutik Oqartussat piginneqatigiiffinnik taakkuninnga aqutsisinnaaneranngut periarfiarfissat siulersuisutut toqqakkat aqutugalugit ingerlapput.

Namminersorlutik Oqartussat "Namminersorlutik Oqartussat ingerlatsiviutaanni Ingerlatsivinnut pitsaasumik aqutsineq pillugu najoqqutassat" akuersissutiginiikuuaat, soorlu Namminersorlutik Oqartussat ingerlatsiviutaat pillugit ukiumoortumik nalunaarusiamik Inatsisartunut saqqummiunneqartussamik suliaqartoqartartoq.

Nalunaarusiaq kingulleq 2024-meersoq ingerlatseqatigiiffiit 2023-mi naatsorsuutaannik imalik pissarsiaarput misissorlugulu.

Ingerlatsivinnut malittarisassat Namminersorlutik Oqartussanut atuutsinneqanngillat, aamma taamaattumik ingerlatsivittut piginnittutut nalunaarsugaanani. Taamaattumik aamma suliffeqarfissuarmut naatsorsuutinin suliaqartoqarneq ajorpoq.

Ingerlatsiviit ukiumoortumik nalunaarutaat kukkunersiuinermik ingerlatseqatigiiffinnit assigiinngitsunit kukkunersiorneqartarput.

Ukiumoortumik nalunaarutit pissarsiarineqarsinnaasut kingullit pissarsiarisimavagut, ukiumoortumik nalunaarutini aqutsisut nalunaarutaat kukkunersiuisut uppersaarnersannik erseqqissaatitaqannginnerat imaluunniit isorinnilluni oqaaseqaatitaqannginnerat nakkutilliiffigalugit.

Deloitte 2024-mi ataatsimeersuarnernit Namminersorlutik Oqartussat ingerlatseqatigiiffiutaanit kukkunersiuisutut toqqagaangilaq.

8. Paasissutissat allat

Uagut kiffaanngissuseqarnerput tunngaviusumik aalajangiisuvoq avatangiisitsinnit kukkunersiuisutut arlaannut pituttorsimanngitsutut sulinita tatigineqarnerannut. Taamaattumik tamanna illersugaraarput – inuttut aamma sulianut tunngatillugu.

Uagut ingerlatseriaatsitta qularnaarpaa kukkunersiuisoqatigiit suliffeqarfimmi kukkunersiukkatsinni aqutsinermik sulisunut inuttut attaveqartuunnginnerput.

Uagut ingerlatseriaatsitta aamma qularnaarpaa suliffeqarfik kukkunersiugarput sinnerlugu sulianik ingerlatsineq ajortugut uagut kiffaanngissuseqartuunitsinnut assortuussinnaasunik, tassunga ilanngullugu imminut kukkunersiornissamut aarlerinaatitaqarsinnaasunik imalinnik.

Immikkoortumi matumani suliffeqarfimmut suliassat suliarisavut ilisimatitsissutigaaqut.

8.1. Aaqqissuussaq sinnerlugu suliassat imissutigineqartut allat

8.1.1. Uppernarsaanermik suliassat

- 2022-mut 2023-mullu aatsitassanut naatsorsuutit kukkunersiorneqarnerat
- Isumaginninnermut Aqutsisoqarfik sinnerlugu suliniutinut naatsorsuutit kukkunersiorneqarnerat

▪ Suliassat allat

Ulloq apriliip 25-ani 2024 kukkunersiuisutut oqaaseqaammik tunniussinitta kingorna suliffeqarfimmut suliassat tulluuttut ingerlappavut:

- Naatsorsuutinut tunngassuteqartunik ingerlaavartumik oqaloqatiginnittarnerit
- Meeqqanut inuusuttullu ulloq unnuarlu angerlarsimaffimmi akissarsianut pissutsit pillugit ingerlatsinermik annertusisamik kukkunersiuiunerup ingerlanneqarnera
- Allakkianik annikinnerusunik tamalaanik suliaqarneq

9. Atsiornerit

Inatsisit naapertorlugit matumuuna uppersassavarput, inatsisit naapertorlugit piginnaaneqarnissamik piumasaqaataasut naammassigatsigit, aamma kukkumersiuinerup nalaani paasissutissat qinnutigisimasavut tamaasa pissarsiarisimagatsigit.

Nuuk, ulloq 30. april 2025

Deloitte

Kukkumersiuinerup Ingerlatseqatigiiffik Naalagaaffimmit akuerisaq



Bo Colbe

kukkumersiuisoq naalagaaffimmit akuerisaq



Lars Hillebrand

kukkumersiuisoq naalagaaffimmit
akuerisaq

Om Deloitte

Deloitte leverer ydelser inden for Revision, Skat, Consulting og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 150 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 400.000 medarbejdere arbejder målrettet efter at sætte den højeste standard.

Deloitte Touche Tohmatsu Limited

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til www.deloitte.com/about for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.